

GRATIS

AWE Mainta

e corant di Toko

Your address for the best software and support.

VCC

International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

 M-Files

 Exact Software

 Payroll Pro

 Commence

 Commence

Tel.: 583-7072 | info@vcc-int.com | www.vcc-int.com



RECOMPENSA !!

A ser horta na Seroe Blanco, Regent's Park.
E ladronnan a logra hiba varios articulonan
y joyas cu Balor sentimental. Un apelacion ta
bay na cualkier persona cu por sa algo cu
lo conduci na recuperacion di e joyasnan y
otro articulonnan.

Lo tin recompensa grandi. Please tuma contacto cu
Sra. Ilienne Mansur na cellular 5922494 of
7333111, of departamento di recherche.

FTAA CONMEMORA SU 50 AÑA DI FUNDACION



Gabinete *Mike Eman* II
DISCURSO NACIONAL
MINISTER PRESIDENT mr. M.G. (Mike) Eman

23 JULI 2014
9.00 PM
ATV 15 | TELEARUBA
24ORA.COM Y RADIO EMISORANAN LOCAL

LOTTO 5

Cuminsando cu 4 florin, bo por gana e suma grandi aki

Afl.

675.000,-

Obtenibel na cualkier rebendedo di Lotto.

sorteo ta awe nochi



Pa trata di yega na un solucion satisfactorio y sali for di e impasse Gobernador Refunjol sorprendentemente a sali pa Hulanda ayera tardi Si no logra, e representante lo por pidi su retiro

AYERA tardi Gobernador, Freddy Refunjol a sali pa Hulanda abordo di KLM. Esaki ta un biahe inespera cu e mandatario a dicidi di haci, awor cu ta bisto cu no por keda cla cu e asunto aki di presupuesto 2014 y cu e impasse entre Oranjestad y Den Haag ta sigui aumenta. Gobernador Freddy Refunjol ta sinta den e posicion aki pa 10 aña caba y nunca a hay'e den un impasse asina aki.

Es mas, aunke procedente di partido MEP, el a sa di mantene un bon relacion cu tur Gobierno, tanto esun cu signatura geel como esun berde. Como tal a muestra su profesionalismo y parcialidad den su conseho y decisionnan.

Mesun cos el a purba haci cu diferente Gobierno di Hulanda tambe y e diferente Ministernan di Asuntonan di Reino, bou cual e ta resorta.

Pero e ultimo simannan aki ta parce cu e relacion tanto cu Gobierno di Aruba como esun di Hulanda ta pasando den reto y na dado momento e posicion

di Gobernador tambe ta bira parti di e problema.

Ta conoci cu Gobernador ta bisti dos pechi, sea esun bou di Gobierno di Aruba como esun bou di Gobierno di Reino/Hulanda. Nunca den pasado e dos rolnan aki no a yega di bruha tanto den otro manera cu t'e situacion awor, na unda cada pais ta interpreta e regla y leyman nan manera di mir'e, haciendo cu e funcion di Gobernador ta birando mas y mas dificil.

For di fuentenan bon na altura, por a compronde cu no por descartar cu na dado momento, si no por sali for di e impasse aki, cu e chens ta grandi cu Freddy Refunjol mes lo por yega n'e decision di tuma su retiro. Esaki ta un opcion ora cu ni Gobierno di Aruba y ni esun di Hulanda no ta contento cu e rol neutral cu e funcion aki tin, sin carga ningun responsabilidad politico pa decisionnan.

For di Gabinete di Gobernador, nos a recibi ayera tardi confirmacion cu Freddy Refunjol

a sali pa Hulanda pa reuni cu Consejo di Minister di Reino, encunto di e impasse cu a surgi relaciona cu ehecutacion di e investigacion di Presupuesto 2014 di Aruba.

Gobernador ta considera cu e situacion aki di nos pais Aruba, cu e consecucionnan por ta funesto, pa cual e Gobernador ta haya cu tur cos mester wordo haci pa na interes di Aruba, di su habitantenan pa busca un solucion, sin cu esaki ta empuja di ley.

Dia 11 di juli 2014, Gobernador a haya for di Consejo di Minister di Reino un aanwijzing pa wanta firmamento di presupuesto 2014 y pa laga haci un investigacion pa sa realidad di e presupuesto y kier haya un plan di mas aña di finanza di Gobierno di Aruba.

E investigacion aki lo ta cla na fin di augustus awor. Dia 16 di juli a bira conoci cu un investigacion a ser haci y cu dia 21 di juli ultimo, a bin cu un raport interme-

diario, cu a bira conoci caba. Y ta conoci, cu Gobernador a anuncia e.o. na Prome Minister Mike Eman, cu unabes cu e haya e raport aki, lo tin mas claridad di presupuesto 2014.

Dialuna mainta Gobernador Refunjol a haya e raport intermediario, y el a presenta esaki na Gobierno di Aruba y na Consejo di Minister di Reino, solicitando un reaccion di e dos Gobiernonan.

E reaccion solicita,

Gobernador a haya dialuna anochi mas o menos 7 or di anochi. Den deliberacion cu Hulanda

a dicidi cu Gobernador lo biaha pa Hulanda, hibando e raport intermediario y e reaccion di Aruba pa trata di yega na un acuerdo con Aruba lo atende cu e problema manifesta, pa normalisa e situacion na Aruba y pa mehora un finanza publico na un forma duradero.

Y maske cu awe a keda decreta como un dia di luto na Hulanda, e deliberacionnan aki cu Gobernador lo tuma lugar awe y e dianan siguiente. Te aki e

comunicado di Gabinete di Gobernador.

Ta logico cu despues di esaki a bira conoci, a surgi masha speculacion, e.o. cu si Gobernador lo logra un solucion satisfactorio, cu e lo tuma honor pa su mes, y entrega su retiro.



Den un forma simple, pero sigur significativo FTA a conmemora su 50 aña di fundacion



DEN presencia di Parlamentario drs. Rene Herde, Minister di Trabao, drs. Paul Croes, varios dirigente sindical di Corsou, miembro honorario y fundador y miembronan di FTA, ayera tardi na sede di FTA, a celebra e hecho cu 50 aña pasa, dos persona, esta difunto Wikie Maduro y Ruffo de Cuba a funda FTA. Manera a ser bisa, nan prome CAO tabata cu ACI, e planta quimico na Barcadera y despues cu Aruba Caribbean Casino, unda e tempo ey a logra 36 ora pa siman.

Despues di e parti protocolario, a duna reconocimiento n'e trahadornan, cuminsando cu Adelita Tromp-Bisli, kende tin 45 aña trahando cu FTA y asina tin algun trahador di hopi aña. Despues a sigui un brindis. Un biaha mas recibi nos felicitacion!!!

Editorial

Quick Scan di presupuesto tabata totalmente tempo perdi



NADA nobo a bin dilanti den e asina yama 'quick scan' efectua riba presupuesto 2014 aproba pa Parlamento di Aruba casi un luna pasa.

Tur loke por saca afo, pa uza un dicho bon conoci, Hulanda y Gobernador a trata di "inventa e wiel di nobo," ya cu realmente no tin mucho cos a bin dilanti cu aki na Aruba nos no sa caba pa hopi pero hopi tempo.

Loke a tuma lugar y loke ainda ta tumando lugar n'e momentonan aki, ta un tipo di "accion politico" contra e actual Gobierno, caminda for di un caminda tin politica ta wordo hunga y caminda un hende tin cu para responsabel na final di cuenta pa cu esaki.

Hamas y nunca por a spera un otro resultado di loke e comision a bin haci pa loke t'e quick scan, ya cu ta hendenan bon capacita, representantenan di pueblo, cu pueblo mes a eligi na luna di september di 2013, a atende, studia, critica y haci remarca pa despues aproba presupuesto 2014 y a manda e ley di presupuesto aki pa Gobernador Fredi Refunjol firma, loke te cu ayera nochi e no a haci manera palabra.

Analizando henter e scan haci, por a tuma nota cu tur loke a bin dilanti y cu supuestamente e comision di experto ya caba tur hende tabata sa aki ta preocupa p'esakinan for di Tur hende sa, sigur tur lider pasado y actualmente, situacion aki den un forma cu esaki no ta un proceso un lapso di tempo cortempo

aki a conclui, ta asuntonan cu na Aruba y cu tur hende algun tempo caba. politico di nos pais di cu mester atende cu e mucho mas efectivo, pero cu por tuma lugar den tico, pero cu lo tuma hopi y hopi esfuerso pa yega na un solucion adecuado y efectivo.

Loke si e scan

aki di e comision di CFT ta muestra, ta un falta di respet total pa Parlamento di pais Aruba, cu a atende cu e ley di presupuesto y cu a aproba esaki p'e wordo firma pa un Gobernador cu un rato ta hunga e rol di Pontius Pilatus, pero despues ta pasa p'e rol di un dictador c'un poder cu e no tin bou di ningun circunstancia. Ta for di siman pasa Minister Hulandes Ronald Plasterk a declara na Hulanda na prensa, cu e comision cu a bin haci e scan lo por presenta recomendacionnan y cu esakinan lo ser presenta na Gobierno y si Parlamento di nos pais ta desea, lo por aplica e recomendacionnan aki, pero cu bou di ningun circunstancia e recomendacionnan Parlamento ta obliga pa cumpli cu nan, ya cu no tin ningun instancia cu por para riba decision di Parlamento di nos pais.

Algun ponencia di e comision aki den su scan, ta muestra riba henter e payasada cu Gobernador y Gobierno di Hulanda a bin ta hungando, implicando dado momento cu: "Na lugar di adapta e presupuesto 2014 n'e momento aki, tur empeño economico y huridico limita cu e pais tin na e momentonan aki, wordo dirigi riba preparacion rapido di presupuesto 2015 y inicia cu e proceso legal pa yega n'esaki mas pronto posibel."

Ta di lamenta cu a perde asina hopi tempo valioso caminda a permiti tanto Gobernador como Gobierno di Hulanda, hunga weganan politico contra un Gobierno cu ta na poder pa un decision "duidelijk" di e pueblo votador.

Pues e comision mes ta bisa tur hende cu tur discusion riba presupuesto 2014 ta perdemento di tempo, perdemento di respet pa Parlamento di nos pais y perdemento di balor di loke ta nos Constitucion.

E crisis aki ta marca historia ya cu den cierto forma e ta hiba nos pa un tempo den nos historia cu nos ta prefera di lubida, caminda otronan ta bin dicidi kico ta bon pa futuro di nos pueblo y futuro di nos progreso.

E situacion ta bira un tiki mas serio ora cu n'e momentonan aki, tin cu remarca cu Gobernador Fredi Refunjol no ta duna honor p'e posicion cu e ta ocupando, como representante di Reino Hulandes aki na Aruba, dor di falta cu su palabracion duna na Minister Presidente di pais Aruba, kende pueblo den forma abrumado a eligi como su Prome Minister pa guia e pais aki te cu 2017.

Ta algo sumamente serio ora cu den un proceso asina importante manera reconocimiento legal di e ley mas importante di nos pais manera esun di presupuesto nacional, weganen ta ser hunga sin cu esaki ta necesario of al caso.

Plasterk na final di e raport ta muestra cu nan ta sperando riba un reaccion di Gobierno di Aruba, pero ta ki clase di reaccion e ta sperando riba si e comision mes ta conseha pa firma presupuesto 2014 y cuminsa traha mesora riba presupuesto 2015 p'esaki wordo entrega na tempo aplicando algun di e recomendacionnan cu a lo largo ta keda un asunto interno di pais Aruba.

Kico mas ta warda pa ehecuta e recomendacion aki di su propio comision no ta conoci, pero tur cos ta mustrand cu na Hulanda y aki na Aruba, lo tin algun hende cu no a gusta mucho e forma cu Aruba a muestra Hulanda riba su lugar segun Constitucion y Statuut ta prescribi.



Segun Parlamentario Andin Bikker; Quickscan ta devastador pa Gobierno di Aruba

ANDIN Bikker lider di Partido Democracia Real a tene su conferencia semanal. El a cuminsa su conferencia comentando riba e quickscan haci riba presupuesto 2014.

Bikker a cuminsa bisa cu e quickscan a sali malísimo y devastador pa Gobierno. E quickscan a determina cu presupuesto 2014 no ta sirbi.

E no kier uza e palabra devastador, pero asina e ta interpreta e rapport. Segun Bikker, e ta determina practicamente cu e presupuesto 2014 no ta sirbi. Bikker ta sigui citando varios parti. Palabranan manera 'outdated', 'irrealistico' ta algun cu e ta referi na dje. E maneho financiero no ta na ordo di Aruba. Asina Bikkerta sigui cita e rapport.

No tin reserva pa pais Aruba. Anja tras di anja Gabinete

Eman a hinca pais Aruba den debe como estimulo economico basa riba teoríanan di un economista Mericano. Un persona respeta pero su teoríanan no a resulta na Aruba.

Pais Aruba a yega den un record den crecemento di debe. E buffer no t'ey y si algo sosode no tin placa. Bo por pone cosnan bunita pero si no tin reserva e espacio pa fia tambe a caba. Esaki ta un maneho

i r e -

sponsabel. E ta bisa cu e presupuesto 2014 ta asina malo indicando cu ta miho bo atende e eror den 2015 segun Andin Bikker.

Partido PDR a haya rason segun Bikker. Entregamento di presupuesto na tempo ta algo importante. Presupuesto ta guia maneho di un pais e mester wordo entrega na ora. Un presupuesto entrega 7 luna laat ta indica cu bo ta manehando sin premira gasto.

Pa añanan largo gobiernonan di Aruba nan nomber ta wordo atacha pasobra no ta entrega e presupuesto na ora. Andin Bikker a splica cu ta compara e gastonan di Aruba cu e situacion di Hulanda. E pilarnan economico di Hulanda ta mas cu 150.

Na Aruba ta un pilar economico a

keda. E quickscan ta atende mas bien e capacidad cu pais Aruba tin pa paga bek su debe. E poder y capacidad cu Hulanda tin pa paga debe ta mucho mas grandi cu Aruba pasobra nan tin mas pilar economico.

E aanwijzing manda pa gobierno claramente PDR no sa kico ta poni den e carta. Aunke ta wordo menciona di presupuesto supletorio cu despues mester mira kico mester haci. Semper por bin cu presupuesto supletorio pa drecha esun 2014 te caminda cu por segun Andin Bikker. E presupuesto supletorio tin yen di deseo cu ainda no a keda concretisa. Tin leynan cu no a yega parlamento. Awor aki no ta na su luga pa gobierno pinta e rapport aki bunita. Loke e rapport ta bisa ta cu e situacion ta hopi serio segun Andin Bikker.

Bikker no tin palabra bon pa e rapport cu a sali dialuna. E ta sigui muestra cu e rapport ta asina malo, cu miho inverti energia den esun di 2015,

manera cu gobierno mes a bisa caba. Andin Bikker a premira cu e conseho ta bisa cu 2014 ta asina malo cu ta miho dal bay firma e presupuesto numa.

Den rapport CFT ta poni cu prome cu 2014 caba mester trata e presupuesto 2015. Prome di september e presupuesto nobo mester ta na parlamento. Si e aanwijzing no a bin e crisis financiero lo a keda.

2015 ta un otro ehercicio. Esaki ta un pre-warning pa gobierno segun Andin Bikker. E presupuesto 2014 cu a tuma asina tanto tempo no ta cumpli cu e rekisitonan cu mester cumpli cune. Mas aleu e rapport di CFT ta muestra cu ni maske cua escenario nan analisa, cualnan ta 3 teoria, stabiliteits pakt di Union Europeo caminda bo no mag di surpasa bo deficit cu mas cu 3 %, comparacion cu e model di Corsou y St. Maarten y e recomendacion di IMF den ningun di 3 Aruba ta no ta pasa e test.

E presupuesto di Aruba no ta cumpli cu ningun rekisito internacional.

Andin Bikker lider di PDR a splica cu nunca a wordo poni cu e presupuesto 2014 ta irrealistico dor di e propio Minister.



Cartera di Finansa mester wordo carga pa un Minister actual Reduccion di cantidad di Minister lo ta bon mira

DESPUES cu Parlamento di Aruba den fin di siman den un sesion special a aproba carta di retiro di sr. Juan David Irausquin como Minister di Finansa, diferente rumor a cuminsa circula riba su sucesor.

Hopi nomber ya a ser menciona tanto den seno di Gobierno, den seno di partido y den comunidad, pero poco poco ta surgi e pensamiento cu e mihor decision cu Gabinete Mike Eman por tuma n'e momentonan aki, ta di duna un di e actual Ministernan e cartera aki pa dirigi.

Esaki lo reduci e cantidad di Minister-

nan cu e actual Gobierno a aumenta cu dos bek na 8 loke sin duda lo ta un bon señal pa reduci e situacion financiero di Gobierno.

E pensamiento pa nombra un "vak Minister" no por ta al caso n'e momentonan aki, ya cu e lo ta mescos cu Gobierno admiti cu e no tabatin control di e situacion financiero, pero den e Conseho di Minister actual, tin varios di nan cu por atende cu e cartera aki, uzando mesun expertonan y infraestructura cu sr. Yrausquin a crea pa su ministerio.

Un nomber cu ta ser mira como esun adecuado sin duda ta di Minister Otmar

Oduber, kende su energia sin duda algun lo bay yuda hopi den henter e proceso cu mester wordo sigui den futuro, mientras cu e otro gran candidato pa carga e responsabilidad aki, t'e hoben Minister Paul Croes, e actual Minister di Labor y Asunto Social.

E dos candidatonan aki sin duda algun por carga e peso di e Ministerio di Finansa y tin tur capacidad pa atende cu esaki, yudando na reduci e costo di tin un di 8 Minister den funcion.

Tambe ta menciona nomber di Minister Michelle Hooyboer Winklaar, kende ta Minister di Enseñansa n'e momentonan

aki, pero e pensamiento pa no nombra un Minister nobo na lugar di sr. Juan David Yrausquin, sin duda ta un alternativa hopi positivo y lo ta muestra di e seriedad cu e actual Gobierno lo kier pa atende cu reduccion di gastonan den presupuesto di nos pais.

Sr. Angel Bermudez, kende su nomber ta ser menciona como candidato como vak Minister, pero kende a caba di ser nombra como consehero principal pa ex Minister Juan David Yrausquin, por keda den e posicion pa cual el a ser nombra caba algun siman atras y sin duda lo duna sosten grandi n'e Minister cu lo haya e cartera aki.

Minister di Labor drs. Paul Croes na ocasion di 50 aña FTA Dedicacion, lucha y balentia ta describi FTA

FEDERACION di Trahadornan di Aruba (F.T.A) diamars 22 di Juli a celebra hunto cu invitadonan, delegadonan, miembronan, directiva y gremionan comercial y otro sindicatonan nan 50 aña di existencia. "50 aña pasa un grupo di personanan balente a uni, pa asina cuminsa organisa nan mes pa defende interes y derecho di trahadornan. E situacion laboral no ta igual na su inicio, trahadornan awe conoce mucho mas derecho y mehoracion den nan situacion laboral. Pero nos mester sigui traha hunto den dialogo pa sigui mehora e condicionan di trabou y seguridad di trahadornan na pia di trabou", tabata palabranan di Minister di Labor Paul Croes como invitado di honor.

Loke a inicia como un grupo chikito awe ta conta cu mas di 3000 miembro.

Durante e celebracion aki Minister di Labor drs. Paul Croes a felicita e clase trahador, su dirigentenan y a reconoce e lucha di esnan cu den pasado a traha



duro pa asina e trahadornan afilia por haña nan beneficio y derechonan.

"50 aña di lucha pa e trahador haña su derecho y leyman, 50 aña unda cu sindi-

calistanan a boga pa mehora e condicion di trabou pa e trahado. Awe nos mester reconoce esnan cu a bringa pa e cambionan na beneficio di tur trahado, reconociendo e fundadornan manera sr

Wikie Maduro (q.e.p.d.), lidernan sindical manera e.o. sr Clarence Richardson, sr. Anselmo Pontilius y tur otro cu a para na defensa di e derecho y condicionan di e trahador", tabata palabranan cu Minister Paul Croes.

F.T.A awe ta mira un 50 aña di desaroyo no solamente aki na Aruba sino tambe cu afiliacion cu sindicatonan internacional pa comparti experiencia. Tambe FTA ta sigui lifia di International Labor Organisation, ta muestra cu e sindicato tambe riba nivel internacional ta cosechando exito.

Minister Croes a bisa "e dedicacion cu cada presidente, miembro di tur directiva a pone, awe ta duna su fruto. Nos trahadornan ta den un miho situacion cu antes y ta importante pa reconoce esaki".

Pabien na cada un di bosonan cu a hasi esaki posible pa Aruba.

Conoce bo



Gastonan

den e periodo 2010-2013

Un resumen di algun conclusion importante basa riba informacion tocante e gastonan den e periodo 2010-2013.

A Den e periodo 2010-2013 por a nota un crecimiento modera di e gastonan total: di 3.5% na 2010 pa 0.3% na 2013.

B Den e periodo di 2010-2013 e gastonan di cuida a crece cu 4,1% na 2010 y cu 0,5% na 2013.

C E gastonan operacional a baha durante 2010-2013.

Gastonan	2009	2010	2011	2012	2013
Total gastonan di cuida	317.7	330.6	342.6	353.3	354.9
Crecemento den %	5.7%	4.1%	3.6%	3.1%	0.5%
Total gastonan operacional	19.1	18.1	16.8	16.6	16.1
Crecemento den %	7.3%	-5.2%	-7.2%	-1.2%	-3%
Total gastonan	336.8	348.7	359.4	369.9	371.0
Crecemento den %	5.7%	3.5%	3.1%	2.9%	0.3%



Rumbastraat 21, Oranjestad
Pastoor Hendrikstraat 10, San Nicolas



527 9900
info@uocazv.aw



7.30 am - 4.00 pm



facebook.com/azvaruba



Politiconan ta wardando ariba contesta di Gobernador Refunjol

POLITICONAN y consehero-
nan ta wardando riba e decision
di Gobernador Fredis Refunjol.
Gobernador lo firma e presu-
puesto 2014 of toch no?

Te na momento di cierre di nos
edishon di Awemainta, no ta-
batatin un claridad ainda riba
e particularidad aki.

Si acaso Gobernador dicidi di
no firma, ta keda un opcion
obvio pa manda e presupuesto
"Raad van State". Si acaso
keda dicidi pa destruccion di e
presupuesto door di Consejo di
Minister, lo dura mas o menos 3
luna prome cu un presupuesto
nobo ta cla, segun Richard Ar-
ends, consehero financiero di
Gobierno di Aruba. "

"E proceso di Consejo di Min-

ister di Reino ta dura entre 4 pa
6 siman y pa traha un "Lands-
verordening" nobo ta dura un
promedio di 7 siman". Segun
Arends e consecuencianan lo ta
"inreparabel". "Nos ta bay e ora
den "default". Aruba lo no por
cumpli cu algun compromiso-
nan grandi. Na e momentonan
aki e unico entrada pa Pais
Aruba ta placanan di belasting".
Aruba mester presta placa pa
por paga su debenan. E deficit
cu ta resta ta mas o menos 50
milyon florin, segun Arends. "Ta
simplemente ridiculo cu pa un
suma asina ta haciendo tanto
dificil". Arends lo no kier a bay
asina leu di bisa cu Aruba por
bati bancarota, si acaso un pre-
supuesto nobo mester wordo
traha. "Pero nos lo mester pidi

aplasmiento ariba algun pago,
cu tur consecuencia cu esaki
lo tin".

En espera ariba un contesta di
Gobernador, politiconan no
kier specula ariba kico lo por
bay pasa si acaso e no firma.
Tanto Minister demisionario
Juan David Yrausquin, lider di
Fraccion di AVP Rene Herde no
kier a duna ningun comentario
riba e particularidad aki.

Lider di partido MEP Evelyn
Wever-Croes si kier a reacciona.
E ta bisa cu independiente-
mente loke pasa awe, Gobierno
di AVP ta responsabel y ta cul-
pabel cu cosnan mester a yega
asina leu.

"Kico cu pasa awe, hecho ta cu
debe e nacional a duplica bou

di maneho di e Gobierno actual
sin cu a tuma medidanan na
tempo y esey ta pone cu awor
nos ta den situacion di crisis y
cu CFT ta haciendo un inves-
tigacion", segun Wever Croes.
Prome Minister Mike Eman
bisa cu e ta spera un contesta di
parti di Hulanda den transcurso
di dia referiendo si Goberna-
dor lo bay firma si of no. Di-
aluna mainta, na momento cu
Prome Minister a regresa su
oficina despues di 6 dia di welga
di hamber, ela keda ricibi cu
aplausu di su colaboradornan
na Bestuurskantoor.

"Nos a regresa nos ofisina awe.
Nos a trece nos pensamiento
dilanti. Nos no ta desvia ni un
millimeter ora ta trata nos au-
tonomia", Eman a bisa. Eman

a duna di conoce cu e ta mien-
trastanto den bon salud pero
ta siguiendo un dieta adapta di
likido pa alimento solido.

E siman cu a transcuri, Prome
Minsiter Eman a pensa hopi
riba Reino Hulandes. "Mi a
kere semper den Reino. Pues
e tensionnan aki ta cay hopi
duro. E ta pone nos lasonan na
prueba. Nos ta spera di eventu-
almente pa surpasa tur esaki y
por consolida nos relacion basa
riba respet pa e derechonan di
cada pais individual y tambe
e forma di traha den Reino",
segun Eman. Prome Minister a
bisa di ta hopi agradecido pa e
sosten cu el a ricibi durante su
welga di hamber. "Semper lo
mi carga esaki den mi curason"

Parlamento mester reuni riba futuro relacion cu Gobernador Refunjol



Avenida Milo J. Croes # 118 - A
Tel: 5883948 Fax: 5883945
Dilanti Flora Market na Dakota
E-mail: doorhandle@setanet.aw

KOZIJN DI PALO MERANTI
Stock nobo a yega,
bon calidat y mihor prijs na Aruba

PINOCCHIO
Kerkstraat #16 - Tel: 582-2266

**Nos ta huur pa
tur evento**

**Stoel y
Mesa**

**Tents y
Hopi mas**

Kerkstraat 16 - Tel: 582-2266 - Cel: 564-1977



UN hende a pega un barco
mahos den henter e crisis con-
stitucional cu a surgi dos siman
pasa ora cu Gobernador di
Aruba, a dicidi di no firma e
proyecto di ley di presupuesto
nacional 2014.

Loke si ta un hecho ta cu e
prome atendi pa cu e crisis aki
y kende tin cu carga su respon-
sabilidad den tur e proceso aki,
ta Gobernador Refunjol, kende
inicialmente a dicidi di no firma
e presupuesto 2014 pa despues
busca sosten di Minister Plas-
terk y Gobierno di Hulanda.

E quick scan haci pa un comi-
sion di CFT den fin di siman cu
a pasa, no a trece algo nobo
dilanti, algo cu aki na Aruba
ningun hende tabata sa di dje,
ya cu e situacion precario di
nos isla, ta un hecho di basta
tempo, sigur despues cu Valero
a dicidi definitivamente di cera
e refineria pa no habri mas.
Plasterk mes a bin Aruba y a
elogia e forma con Gobierno di
Aruba guia pa Minister Presi-
dente Mike Eman, a atende cu
e situacion aki y hunto cu otro

mandatarionan Hulandes, a
brinda sosten total na e maneho
cu tabata ser hiba.

Pa colmo Hulanda no ta apor-
tando nada n'e situacion finan-
ciero di Aruba, pues no ta core
ningun riesgo pa loke ta futuro
di nos pais riba tereno finan-
ciero, pero manera Plasterk a
bisa, Hulanda ta keda respon-
sabel pa estabilidad financiero
di e isla aki. Ta den e contexto
aki tambe tin cu cuestiona con
Plasterk y Hulanda ta mira
nan sosten pa estabilidad, ya
cu Hulanda a duna un suma di
4.7 milard euro, cu ta caso 10
milard florin di Aruba, como
sosten n'e crisis financiero di
Grecia na 2010, ya cu Hulanda
como otro miembronan di e
Eurozone, mester sigura "sta-
bilidad" di e zona aki.

Den e contexto ey tambe Plas-
terk y Hulanda por asumi un
posicion igual dor di ofrece Aru-
ba un suma grandi pa atende
cu e situacion financiero di nos
pais, y asina sigura estabilidad
financiero poniendo placa riba
mesa, na lugar di hunga grandi

awor cu man bashi y ningun
placa pa duna.

E crisis aki a crea un situacion
serio den e rol di Gobernador
pa cu Parlamento di Aruba, ca-
minda su persona mes a inicia
un confrontacion directo cu
e Consejo Legislativo di nos
pais, faltando respet y cues-
tionando no solamente e trabou
cu Parlamento a haci cu presu-
puesto 2014, pero cuestionando
credibilidad di e trabou haci pa
Parlamento di Aruba.

Dentro di algun siman lo tin ap-
ertura di e **Aña Nobo Parlamen-**
tario y ta di puntra con y cu ki
cara Gobernador lo por bin para
den sala di Parlamento y dirigi
su mes na un mayoria grandi di
13 Legislado, di kendenan el a
cuestiona y falta respet formal
den ultimo simannan.

Ta un situacion sumamente
delicado y henter e formalidad
aki di ceremonia y ricibi Gober-
nador cu e honor cu e merece,
tin cu wordo cuestiona awor
cu el a falta di duna honor na
Parlamento di Aruba pa cu ley
di presupuesto 2014.

Minister Mike de Meza

No ta pidi Gobernador haci algo pa nos, pero pa e cumpli cu ley

MINISTER Mike de Meza a declara diamars merdia cu diahuebs ultimo Prome Minister Mike Eman a haya siguransa di Gobernador Refunjol cu dialuna pueblo di Aruba lo haya claridad y un decision lo wordo tuma.

Un biaha mas Minister Mike de Meza a señala cu den henter Reino Hulanda e Prome Minister di Aruba ta conoci como un politico cu ta promove e bon relacionnan den Reino. Pesey, pa Prome Minister Eman a tuma e decision pa bay den un welga di hamber contra e procedura cu Hulanda a tuma, ta bisa hopi mes. E ta nifica cu el a haci uzo di tur caminda diplomatico, prome cu el a bay den welga di hamber. Pa e finalisa su welga di hamber despues di shere dia, ta nifica cu "un compromiso serio a wordo haci". Tur aspecto rond di e welga di hamber y compromisonan cu a wordo haci, ta bay wordo treci dilanti den un discurso nacional cu Prome Minister Mike Eman lo tene diaranson anochi. "Prome Minister lo splica tur cos cu a pasa e ultimo lunanan y lo duna un claridad total riba tur e decisionnan cu a wordo tuma pa pueblo Aruba haya sa den

detaye kico tur a tuma luga den contacto den e problema aki."

De Meza a enfatisa cu "no ta pidi Gobernador haci algo pa nos", simplemente e mester firma e presupuesto of mand'e pa destruccion. "Simplemente respeta Statuut y su mesun reglanan di Gobernador". Pa loke ta e welga, Prome Minister a para esaki a base di palabracionnan cu a wordo haci "y ni Gobierno di Reino ni Gobernador a mantene nan mes na palabracion haci".

Henter e situacion cu a surgi no tin muestra di democracia, ya cu institucionnan mas halto den Reino no a respeta Statuut ni Reglamento pa Gobernador, y sin caminda pa cana, ta haci cu mester discuti e problema aki publicamente. Gobierno di Aruba ta lamenta esaki pasobra ta mas cu 4 aña pasa a pidi pa bin cu un 'geschillencommissie' pa discuti e tipo di impasse manera esun cu a surgi entre Aruba y Hulanda. Parlamento di Aruba a presenta un mocion den Tweede Kamer cu a wordo aproba y incluso Gobierno di Reino a bay di acuerdo. Pero desde cu PvdA y VVD a bin na mando, nan no kier a discuti e

asunto aki ni institui e institucion tampoco.

Den henter e problema aki, NO ta solamente e no-firmamento di Aruba su presupuesto, pero e enfoka ta autonomia di Aruba. Si permiti Hulanda mete den asuntonan interno "aki poco dia ta un ambtenaar sinta den un oficina na Den Haag ta esun cu ta dicidi si ta drecha un caya, un veld, construi un parke, pone placa den educacion. E no mester responsabilisa su mes tampoco pasobra e no ta un politico." Ta lamenta di mira cu un partido manera MEP, cu su fundador a lucha pa Aruba ta baas den su mesun cas, awe e partido ey ta esun cu ta bay Hulanda dunando tur sorto informacion robez na e Hulandesnan.

Ta prome biaha na mundo cu un instituto ta "secuestra" un presupuesto y hinca esaki den lachi, perhudicando e pais enormemente. Lamentabel den esaki, segun de Meza, ta cu ta e Ministernan ta carga responsabilidad cu no por cumpli e ultimo dos lunanan cu fundacionnan p.e. y no Gobernador, kende ta esun cu no ta firmando e presupuesto.

E mandatario a pone hopi en-



fasis cu tin reglanan cu mester cumpli cunan. Den e caso aki Gobernador mester a firma e presupuesto y si e no haci esaki, e Reglamento di Ordo ta bisa, mester mande Gobierno di Reino pa destruccion. Esaki ta loke e Gobernador no a haci. Awor pa colmo, a caba di lesa cu vocero di Plasterk a bisa cu

ta Gobernador mester dicidi kico e ta haci cu e presupuesto. Gobierno ta kere cu si Gobernador manda e presupuesto Hulanda pa wordo trata den Tweede Kamer, eyden sigur e miembronan lo bay puntra pa e rapport di Raad van State riba e impasse aki, unda lo declara cu CdM di Reino a actua ilegal.

Democracia Real ta conbibi cu pueblo Hulandes

DELEGACION di PDR a firma e Registro di Condolencia pa expresa convivencia cu pueblo di Hulanda pa cu e tragedia di vuelo MH-17

Ayer mainta un delegacion di PDR consistiendo di Parlamentario mr. Andin Bikker, ing. sr. Alonso Tromp y maestro di scol sr. Eddy Ras a acudi na oficina di VNO na L.G. Smith Boulevard pa firma e Registro di Condolencia cu a wordo institui den cuadro di e tragedia di e buelo MH-17, cual buelo a wordo deriba den espacio aereo di Ucrania.

Den un mensahe corto capta den e registro e delegacion a expresa den nomber di fraccion y partido PDR convivencia cu




e pueblo di Hulanda y famia di tur esnan cu a fayece den e tragedia aki.

T'e deseo di PDR si mas persona den nos comunidad lo por traha un tempo cortico den nan agenda pa acudi na VNO y expresa nan condolencia pa medio di e registro menciona.

Departamento di Enseñansa Aruba na Frankrijkstraat lo ta cera pa publico

DEPARTAMENTO di Enseñansa Aruba (DEA) ta participa cu su oficinanan situa na Frankrijkstraat 3 na Eagle lo ta cera pa publico diana 23, 24 y 25 di juli henter dia en conexion cu mantencion. Por favor tuma bon nota cu esaki ta nifica cu riba dicho fechanan DEA lo no por brinda servicio na publico for di su localidad na Frankrijkstraat.

E oficinanan di DEA na Belgiastraat (Examenbureau | 583-8684) y na Cumana (Arubalening | 588-7600) lo ta habri normal.



Pa cualkier otro asunto of den caso di urgencia por tuma contacto cu DEA na tel 582-3360. Tambe por acudi na e website www.ea.aw pa informacion y si tin cualkier pregunta por dirigi esaki na info@ea.aw. Den caso cu esaki ta aplicabel, lo haci tur esfuerso pa contesta mas pronto cu ta posibel.

Dialuna dia 28 di juli e oficinanan di DEA na Frankrijkstraat na Eagle lo ta habri normal bek pa brinda servicio na publico.

Ta pidi disculpa pa cualkier inconveniencia y ta gradici pa e comprension.

Diaranson 23 di juli, Dia Nacional di luto na Hulanda

PROME Minister Mark Rutte, di Hulanda a proclama 23 di juli como dia nacional di luto. Esaki ta e dia cu e prome victima di e accidente aereo di vuelo MH17 di Malaysian Airlines, ta yega Hulanda.

E victimanan lo yega na base aereo na Eindhoven. Eynan lo ta presente famianan di e victimanan, Rey Willem-Alexander, Reina Maxima, Prome Minister Rutte, Vice Prome Minister Asscher y tambe representante di otro paisnan cu tambe tin victima den e tragedia aki.

Despues cu e avion, cu ta trese e victimanan aterisa, lo tene 1 minuut di silencio.

Ministerio di Siguridad y Justicia a bisa ayera cu publico tambe lo keda permiti pa asisti na e ceremonia aki.

Tur edificio di Gobierno lo pone bandera halfstok y lo bati klok durante henter dia y esaki lo sosode tambe 5 minuut prome cu e avion aterisa pa mas o menos 4, or ora di Hulanda.

Durante un debate den parlamento diamars, diferente partido a pidi pa un dia di luto. E momento ey Prome Minister Rutte a bisa cu e lo kier consulta cu e famianan di e victimanan prome. "Dia nacional di luto no ta conoci na Hulanda, pero si ta existi e necesidad pa un dia di luto, nos lo cambia di pensamiento", segun Rutte.

E ultimo biaha cu Hulanda a tene un dia nacional di luto tabata na aña 8 di december 1962 na ocasion di fayecimento di Reina Wilhelmina.



Family Fun Day y Hersensgymnastiek na Hofi Prikichi

DIADOMINGO dia 3 di augustus proximo, comision pro-Eddy Ras, candidato ariba lista Par-

tido Democracia Real (PDR), ta organisa un tremendo Family Fun Day y Hersensgymnastiek

como fundraising. Un dia cu lo ta bay ta "action packed" pa un y tur, di chikito te grandi!! E orario

lo ta di 9:30 di mainta te cu 7:00 di anochi, y ya pa mainta 9:30 caba e miembronan di comision lo t'ey presente pa un tremendo Koffiemorgen, cual lo caba pa 11:30. Cushina lo ta sumamente bon surti cu Aros con Pollo, Soppi Oester, Sanger Yena, Kroker exclusivo di chef da Silva, Pastechi y Loempia, Sandwich, Hamburger, y Hot Dog. E Bar claro lo ta bon surti y lo ta disponibel pa full dia te cu 7:00 di anochi!! Pa e muchanan lo ta bay tin diferente actividad y wega, manera stoelendans y face painting, tur esaki na encargo di jufrouw Angela. Durante full dia lo ta bay tin un tremendo DJ cu lo pone e pianan di "bailadores" tembla vloer di Hoffi, mientras cu pa e "no-bailadores" lo tin oportunidad pa dal un par di bon wega di domino of carta. E "Gran Bataya" mes lo start pa mas o menos 3:30, ora lo cuminsa cu e candeloso y conosido hersengymnastiek "Scucha, Pensa, y Contesta" cu lo wordo organisa p'e mesun conosido hasido di pregunta di Club Primavera! Tur e equiponan cu ta conosi cu e fabuloso hersengymnastiek na club Primavera, manera "De Wijze Oma's", "Powerpuff

Girls", "Hoffi Prikichi", "The Saint", Friends & Family", "Dolor di Cables", "Shoco Criollo", "AHHH", "Troubled Brains", "Gaña Sa!", y otro militantenan cerebral, esaki ta boso chance pa bin experiencia atrobe un atardi di tension cerebral sin limite!! Cada team mag di consisti di maximo 6 partisipante, y e prijs ta 10 florin pa cada partisipante. E preguntanan lo ta di e caliber ya conosi pa hopi equipo cu ta frecuente e hersengymnastiek di club Primavera, dus caliber "Paracetamol"!! Shonnan no perde e tremendo Family Fun Day y Hersensgymnastiek aki na Hoffi Prikichi situa na Tamarijn, cuminsando di 9:30 di mainta te cu 7'or di anochi!! Lo bay tin indicacion "cla y raspa" canti caminda con pa yega eynan. Bo sa e origen di e nomber geografico di "California"? Bo sa cuanto cuerda un "tres Cubano" tin?? Bo sa na cua pais e bataya di Waterloo a ruma luga?? Bo sa ken a scibi e famoso buki "E Conde di Monte Cristo"? No?? Anto yeeeeegaaaaa dia 3 di augustus proximo na Hoffi Prikichi su Family Fun Day y Hersensgymnastiek cuminsando di 9:30 di mainta!!



FERTEC N.V.

AIRCONDITION & REFRIGERATION

Address: Tanki Leendert 2-I Email: fertecnv@hotmail.com
Tel: (297) - 5882860 Cell: (297) - 5633766



SERIOUSLY efficient air conditioning at the best price.

The Only Inverter Central Unit with Solar Panel Connection

SEER up to 25.00



New generation of inverter minisplit










GREEN GARDEN WEEKS

GROW YOUR OWN SUMMER GARDEN

TIP!
Best time to water outdoor plants is in the early morning



Cat Palm
3 Gallon pot
AFL. **25.00**



Sansiviera
Easy to maintain
1 Gallon pot 12.50
NOW AFL. **9.95**

This Sunday: SANTA ROSA & LIVE MUSIC

SUNDAYS OPEN
10am - 2pm

AVENIDA MILIO CROES 101 E: INFO@FLORA.AW T: (+297) 583-6468

flora.aw

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui nomber, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

Historia ta wordo manipula, segun combeniencia

Pa: Roberto Abdoel

HISTORIA hopi biaha ta wordo troci segun combeniencia di esnan cu kier principalmente manipula cu esaki pa sirbi nan interes y/of di nan grupito, pero hamas interes general! Un biaha mas nos por lesa un articulo caminda un institucion asina importante manera Camara di Comercio cu bo ta verwacht cu nan lo sali na vanguardia y/o interes di pais Aruba y muestra enfaticamente con nos Constitucion a wordo viola y trapa cu pia pa Gabinete Rutte y Gobernador, a scoge pa hunto cu e partido mal ehempel pa pueblo pa ignora y no defende e atropo aki, dunando di conoce cu nan no kier involvi nan mes ni duna un opinion ken tin razon y/o duna un comentario riba e aspecto legal di esaki!

Masha bunita y si bo sigi lesa e articulo aki bo por conclui cu nan ta di acuerdo cu e atropo aki, pero cu unicamente na kier defende e respet cu mester tin pa Gobernador ignorando un bes mas cu ningun persona sin importa cual ta su posicion por impone respect riba ningun hende sino esaki bo tin cu gane y/o merece esaki dor di duna respet pabo por recibi y/o exige esaki y no visa-versa! Si nos kier please Camara di Comercio den e concepto aki nos por ignora si nan ta desea esaki kende t'e Gobernador di turno aki, pero locual nos no por ignora y un y tur mester por condena ta e falta di respet di e institucion aki pa cu nos Constitucion y autonomia, esaki ta un acto criminal y mal intenciona cu ta viola tur respet pa nos pais, Parlamento, Gabinete Eman y sigur tambe e 33 mil Arubianonan cu a vota p'e Gobierno aki.

Gobernador tabatin dos opcion cu Constitucion ta ortog'e o e ta firma e begroting aki o e ta manda esaki pa Hulanda pa wordo destrui punto, pero el a prefera scoge pa sinta riba su cabez y pensa cu su coy sinta pa beneficia

terceranan, ignorando interes general di pais Aruba y e consecuencia di esaki pa nos tur y e pregunta cu ta surgi for di unda e curashi aki ta sali pa Camara di Comercio exige respet pa Gobernador, ignorando interes general di nos pais pa cual nan ta wordo paga! Por si acaso Camara di Comercio y su grupito hunto cu E.W.C. y su mal ehempel pa pueblo kier acusa y/o condena nos Prome Ministro sr. Mike Eman p'e unico eror cu e lo por a comete, ta p'esaki biba y dirigi e pais aki segun e palabranan di un gran maestro, stima bo prohimo (bo enemigonan) mescos cu bo ta stima bo mes y su pais mas cu su mes y e ta hasi esaki incondicionalmente, pero den politica lamentablemente no ta tur ora esaki ta funcional!

Awe nos ta hopi contento cu Mike a stop e welga di hamber ya cu hopi t'esnan cu a desea su morto, pero Dios ta mas grandi cu su Reino y awe nos por realiza un bes mas cu danki di mundo ta pishi di yegua y lo no ta duel Mike e scop(nan) sino e burico(nan) cu a scope! Last but not least, conoce bo historia ya cu esaki no ta prome biaha MEP y su siguidor a traiciona nan ante pasado y na lider Betico Croes, na bida den afianan 80 si mi no ta equiboca Betico a bay television yora dilant di camaranan yena emchinan cu su awa di wowonan pa motibo cu su partido y siguidor a lague na caya.

T'e Prome Ministro di Corsou di tempu aya sr. Don Martina a bin Aruba pa duna Betico e sosten y na television pidi pueblo Arubiano pa sostene Betico y pa no lagu'e cay, pues historia ta bolbe ripiti y un bes mas ta E.W.C. y mal ehempel pa pueblo ta traciona nan ante pasado y nan propio lider Betico nan causa y nan logronan!

Pais mester ta orgoyoso di nos Prome Ministro, Dios bendicionabo ricamente hunto cu bo Gabinete, pero tambe pais Aruba!

Campaña di vakantie "Green Garden weeks" ta cuminsa awe na FLORA

DESDE awe bo por gosa di bo mesun vakantie den bo hardin. Pa un periodo di 6 siman Flora tin special y informacion conhuntamente cu Santa Rosa riba diferente topiconan cu ta encera, diseño, cuido y diferente tips pa mata di pafo como tambe di paden. Nos programa ta lo siguiente: Tur diasabra tin informacion na Flora entre 10am - 12pm & 2pm - 4pm tocante siguiente topiconan:
26 di juli 2014 →conseho pa matanan di pafo
2 di augustus 2014 →conseho

di decoracion pa hardin
9 di augustus 2014 →conseho di irrigacion di mata
16 di augustus 2014 →conseho pa matanan di paden
23 di augustus 2014 →conseho di fertilisacion di mata
30 di augustus 2014 à Con pa haci uzo di veneno den bo hardin
Tambe tin informacion y benta di matanan di Santa Rosa dianan 27 di juli, 10 di augustus y 24 augustus 2014. Nos ta wardado.

PA TRABOLNAN EFICIENTE Y EFECTIVO

PA BASHA ABOUT OF EXCAVACION NOS TA BO SOLUCION!!!

BO MESTER ROSA E TERENO PA CONSTRUI?

BO MESTER BASHA UN PARTI DI CAS EDIFICIO OF CURA ABOUT?



ATCO
ARUBA N.V.



Tel: (297)-523-6600
Fax: (297)-582-7108

Website www.atcoaruba.com

Find us on Facebook

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui nomber, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

Un biaha mas, AVP ta manipula pueblo

Holmo Henriquez di Salba Urirama

AWE nos tur ta realisa atrobe con e pueblo aki a wordo manipula dor di henter partido

AVP caminda e Quickscan di e begroting a saca e realidad manera cu mi a menciona

siman pasa. Esaki no ta nada bon pa nos pais y ya caba den corantnan na Hulanda cosnan hopi negativo di e maneho desastroso di e Gobierno aki ta wordo menciona, pero tambe di esun anterior.

Si Aruba sigui den e mesun ciclo vistoso aki ta Aruba mes lo perhudica su mes. Aruba no tin cash flow cu consecuencia e proyectonan manera Green Corridor, Parke di Molina na Urirama, waf di Barcadera, etc., lo empeora e situacion financiero p'e pais aki.

Pues si esnan cu lo sigui cu e maneho di e pais aki por realisa, cu e Quickscan so caba, nan lo por conclui cu e parke di Molina no por wordo ehecuta mas dor cu e lo pone un peso grandi riba nos pais su finansa y tambe e pueblo lo sufri mas na nan cartera strobando e pueblo trahador di Aruba pa por pone pan riba mesa pa nan famia.

Como Prome Minister di un pais bo mester ta un persona serio y honesto pa hiba un maneho transparente, responsable y debido pa bo pais, pero Prome Minister aki a carece den tur e factornan aki. Aki mi ta menciona 10 di e factornan: 1) E begroting di un Prome Minister, kende a bay cu welga di hamber, no ta completo, pero el a keda persisti cu e ta completo y ta Gobernador y Hulanda ta fout.

2) E begroting tin hopi stel-posten caminda ta carece di tur transparencia y profesion-

alismo.

3) E ta 9 luna laat caminda puntonan den e begroting no tin efecto mas tampoco of ta van toepassing.

4) E no ta cumbini Gobierno aki pa atene su mes n'e proceduranan legal p'e begroting.

5) No ta tur e gastonan ta den e begroting.

6) E maneho financiero no ta na ordo.

7) Door di esey Gobierno no tin un checks and balances, pues e begroting no ta transparente ni ta refleha cuanto e berdadero gasto y entradanan ta.

8) Jaarrekeningnan no por wordo controla.

9) E substantiated estimates nan, e calculacionnan di e sumanan menciona p'e añanan nos dilanti ta falta den e begroting. Dus bo a pone un suma cu bo ta premira cu bo ta bay gasta, pero bo no ta splica con bo a yega na e sumanan ey y tampoco con bo ta bay gaste. 10) E begroting di aña pasa mescos cu esaki tambe no a wordo entrega na tempo manera cu ley ta prescribi.

Esaki ta locual cu Prome Minister kier a sconde cu su actonan di bay campa dilanti oficina di Gobernador na un dieet como medida di austeridad na su cas. Wak awor cu el a ataca y a manda su candidatonan ataca Minister Rutte, Min. Plasterk y Gobernador bisando cu nan a abusa di dje, humilbe y cu nan a secuestra e Gobierno aki. Awor e mes ta haciendo e mescos cu pueblo

di Aruba, anto horta e pueblo di Aruba tambe riba dje.

E diez puntonan ta punta of indica na analfabetismo of mafia, si no ta tur dos. Aki o sea Prome Minister ta posee un talento maligno of ta demostra un habilidad grandi pa por gafiabo den e manera mas carismatico posible, pero e ta demasiado kens pa sa con pa maneha un pais y kico esey kiermen, locual ta nos leynan y e leynan di procedura pa nos begroting.

Pero e ta nabega via e netwerk di e grupo di Mafiosonan cu e mes a crea y cu ta yama Parlamento di Aruba.

Mescos cu den e pelicanan di mafia cu nan netwerk pa aproba algo of no, mescos a pasa den Parlamento caminda nan a firma pa algo cu nan no sa ta pakico nan ta firmando. Basta e favornan politico wordo cumpli paso esey ta e unico di importancia pa nan y no e pueblo di Aruba.

Esaki mi tabata referi na dje siman pasa cu e dicho na Hulandes: "Voor wat hoort wat." Gewoon reken maar bij de kruisje.

Esakinan t'e 10 puntonan cu ta desmascara Gobierno y locual cu hopi tabata sa caba, pero no por a pone dede riba dje ainda.

No keda sorprendi si Prome Minister sali bisa cu el a haya un 10 pa su begroting. T'asina su manera sluw ta pa manipula e pueblo di Aruba. Un Fascista y tipico di un regimen Nazista.



Tel: 5821164
Cel: 5931189
Fax: 5880109
www.boutiquekeyla.com





Variacion di bistirnan pa e temporada, Blusa, Carson, Capri y mucho mas

No lubida riba nos LAYAWAY plan

Paradera 84 ~ Dialuna - Diasabra ~ 9am - 6:30pm



MEDIQ BOTICA

Mediq Botica San Lucas
B V/D Veen Zeppenfeldstraat 49 Tel: 5845119
Facsimile 5844831

"Hopi surtido di Productonan Natural di Calidad pa mantene e Curpa y Mente den bon balans"






Like Us On
facebook



www.facebook.com/AWEMainta



visit our website

www.AWEMainta.com

Hubileo di Oro di Pader Wijbe Fransen

DIARANSON 23 di juli Pader Wijbe Fransen ta celebra su hubileo di oro como religioso. Despues cu el a ordena como sacerdote, Pader Wijbe Fransen a traha un aña na Corsou, dos aña na Bonaire y 41 aña na Aruba. El a traha den diferente parokia na Aruba manera Santa Cruz, Oranjestad y Dakota. Na aña 1990 Pader Wijbe Fransen hunto cu Pader Jaq van der Lee y Pader Jan Bouman a bay traha na Centro Pastoral Aruba, situa den ex convento di soeurnan na Santa Cruz.

Aki hunto cu grupo di laiconan nan a traha specialmente ariba e formacion spiritual den comunidad Arubano pa medio di programanan pa hoben, adulto, preparacion pa matrimonio, curso di Bijbel, liturgia etc. Por menciona otro programanan manera Renobacion Carismatico, Scol di Evangelisacion, Legion di Maria, programa pa scol, programa pa presonan. Pader Wijbe Fransen ta bini di

e Orden di San Dominico, esaki ta nifica cu e tarea principal ta plama e palabra di Cristo bou di turnacion y traha na formacion spiritual di cada individuo.

Pader Fransen tabata hopi involvi tambe den proyectonan social pa comunidad manera SAMBA pa yuda esnan adicto na alcohol y fundacion Osticeba pa desaroya actividadnan social den bario.

Como miembro di clero Catolico na Aruba, e padernan na Centro Pastoral na varios ocasion a laga nan bos resona den comunidad. Especialmente den temporada di eleccion. Ta referi no solamente na e violacion fisico cu sa tuma luga den comunidad, pero tambe e violacion verbal, unda hende ta ofende otro cu palabra sea skirbi of papia.

Pader Fransen tambe a forma parti di diferente comision nacional ora ta trata prevencion y combati criminalidad y bienestar social di esnan den

necesidad.

Tambe a funda e boletin Catolico "E Noticia" cu ta relata sucesonan di Iglesia, formacion spiritual y e doctrina social di Iglesia.

Na 2005 hunto cu SKOA, Pader Fransen tabata e motor pa organisa e curso di Duc in Altum, pa formacion di lidernan Catolico pa haci trabou pastoral hubenil tanto na scol como den parokia. Un total di 40 persona a gradua y un grupo grandi di e graduadonan a sigui despues un curso di pedagogia pa despues bay traha den enseñansa. Cu e proyecto aki Pader Fransen a yuda forma trahadonan pa sigui traha den e cunucu di Señor.

Na aña 2009 Pader Fransen a repatria pa Hulanda, pero manera e mes a expresa e tempo ey: "Cu hopi preocupacion pa cierto desaroyonan na Aruba, manera famianan desintegra, adiccion di alcohol y droga y e falta pa construi un comunidad sano y honesto cu ta pidi pa un




cambio di mentalidad y un bida mas autentico segun balornan di Evangelio".

Pader Fransen ta biba na Zwolle y ta yuda entro otro cu e guia spiritual di Arubiano y Antiyanonan na Zwolle y Groningen. E celebracion di e hubileo di oro di Pader Wijbe Fransen ta tuma luga diadomingo 3 di augustus pa 10 or di mainta na Sint Thomas van Aquinokerk na Zwolle, adres Assendorperstraat 29, 8012 DE, Zwolle.

Un invitacion special pa tur Arubano y Antiyano na Hulanda pa asisti na e celebracion aki pa muestra nan aprecio y gratitud pa e bunita trabou cu Padernan di Orden di San Dominico a haci na Aruba.

Pabien Pader Fransen y cu papa Dios duna Bo hopi aña mas di bida y salud pa sigui traha na e formacion spiritual di hoben y adultonan na Hulanda, specialmente esnan di Aruba, Corsou, Bonaire y Islariba.



DIARANSON 16 di juli, EQ3 team, a celebra nan evento "Friends and Family", unda nan a display e coleccion nobo di zomer. E showroom tabata lombra cu colornan vibrante, y mueblenan nobo cu a bin for Canada. Tur hende a disfruta di un bunita anochi cu sangria y musica live rond di un luminoso atmosfera. EQ3 ta aprecia tur hende cu a atende e evento y cu a hasiele un anochi exitoso.




ESSENTIAL  **HEALTH SUPPLIES** **TUR PRODUCTO PA CUIDA BO SALUD!**
& Huur di Ekipo Medico



**PHYSICAL THERAPY
RESISTANCE BANDS**

Mobilidad (Rolstoel, Kruk, Looprek) • Respiracion • Rehabilitacion
Cusinchi y AD Matrassen • Meñanan di Circulacion y di Diabetico
Terapia cu Friu / Cayente • Faha, Banchi y Sosten Ortopedico
Maternidad • Producto di Baño y hopi mas!



Caya Dr. J.E.M. Arends #17-A
Tel 297.587.0940 - info@essentialaruba.com - www.essentialaruba.com  ehsaruba
NET DILANTI DI ENTRADA DI HOSPITAL!

Na Corsou

Accion den cuadro di Operacion "Ta Basta Awor"



WILLEMSTAD - Manera Minister di Husticia, señor mr. Nelson Navarro a anuncia den un discurso nacional siman pasa i durante su conferencia di prensa a introduci e operacion

"Ta Basta Awor!" cu entre otro e meta pa combati atraco, uzo di arma i posesion di arma ilegal. Esaki ta concerni un cantidad di medida cu lo mester trece cambio den e sentimento di

siguridad di e ciudadano. E medidanan den e operacion aki entre otro ta encera: un areglo di gracia pa entrega di arma di candela, listramento preventivo, reforsa e team di



Ministerie - OM), Recherche Samenwerkingsteam (RST) i Vrijwillige Korpspolitie Curaçao (VKC).

Den cuadro di e operacion "Ta Basta Awor!", cu e meta pa combati e ola di criminalidad na Corsou, tin diferente accion ta tuma luga na diferente parti di Corsou.

Y como parti di accion "Ta Basta Awor", diadomingo, 21 juli 2014 alrededor di 20.00 'or partnernan envolvi den e operashon aki a tene un accion den area di Kustbatterij. Aki nan a topa cu dos hende homber cu tabata actua sospechoso i tabata cambia un plachi number na un auto. Mesora a haci un investigacion i bou di e stoel di pasahero a haya un revolver, 5 bala skerpi i 2 'muts'.

A detene e 2 sospechonan: A.A.R. di 21 aña di edad, nace na Corsou; A.A.N. van A di 25 aña di edad, nace na Corsou.

A confisca e arma di candela, e municion, e muts i e auto i pa mas investigacion.

Durante di e accion cu a tuma luga na diferente parti di Corsou den oranan di anochi, a haya i confisca un total di: 36 saco di hash, 22 saco di cocaina, 40 saco di marihuana, 9 sker, 3 'crusher', 4 cuchiu.

atraco, mas polis na 'hotspots' i control na luganan fiho.

E operacion "Ta Basta Awor!" ta tuma luga den colaboracion estrecho cu otro organisacionnan activo riba area di husticia manera: Guarda Costa (Kustwacht - CZMCarib), Marina Real (Koninklijke Marine - KMAR), Cuerpo Policial Corsou (Korpspolitie Curaçao - KPC), Ministerio Publico (Openbaar

Mariela Apple Certified Sales Professional
Apple Certified Trainer

Conose i siña mas di bo iPhone, iPad, iPod i bo Apple Computer.

Jama nos libremente na 588.2167 pa hasi un cita.

www.istorearuba.com info@istorearuba.com Pontón67b

OPENBARE AVONDLEERGANGEN ARUBA BEROEPSONDERWIJS

INSCRIBI

Bo ta creativo, responsabel, motiva y gusta traha cu bo man. Anto un opleiding na OAA Beroepsonderwijs scol anochi di ofishi ta net lo que bo ta busca. Check nos out na 5827324/ 5930650 of bishita nos website: www.oaa.aw
Inscribi pa aña escolar 2014-2015

Un pabien grandi di Trudy Hassell pa Archivo (Historico) Nacional di Aruba cu su 20 aña di fundacion oficial maske de facto ta celebra 26 aña

TRUDY Hassell kier a manda palabra di felicitacion grandi pa tur empleado y staf di Archivo (Historico) Nacional di Aruba cu nan cumplimento di 20 aña di existencia, maske de facto e ta 26 aña inoficial.

Segun awe Comisario di Polis, Trudy Hassell, tabata na aña 1988 ora el a bin bek for di Hulanda, despues di a caba cu su studio di Middelbaar Archief Ambtenaar na Den Haag y a traha na Algemene Rijks Archief na Den Haag, Hulanda, cu el a bolbe Aruba.

Y riba peticion di sr. Ciso Martis, q.e.p.d., Trudy Hassell a cuminsa traha riba e archivonan semi-statico (historico) cu tabatin "warda" no solamente na Bestuurskantoor di e tempo ey, pero tambe na varios

otro departamento y persona/instancia priva y na ex-Rialto.

E encargo cu Trudy Hassell a haya di difunto Ciso Martis, cu e tempo ey tabata hefe di Bureau Interne Diensten, tabata pa lanta e Archivo (Historico) Nacional, pasobra e tabatin e conviccion cu e archivonan historico di Aruba mester wordo preserva.

Conhuntamente cune, a cuminsa yama departamento, instancianan priva y personanan pa mira, kendenan lo tin archivonan historico, pa nos pasa busca nan. Asina aki poco poco archivonan tabata drenta.

Na un dado momento Trudy Hassell a tuma e decision cu e lo bay sinta na e edificio di ex-Rialto den Steenweg na Playa, pasina realmente cuminsa cu e Archivo Historico Nacional.

Cu cooperacion di Ciso Mar-

tes. Trudy Hassell a haya un persona pa yud'e, esta sr. Vito Petrocchi, cu alma y cuerpo a cuminsa yuda ordena e diferente cahanan di archivo y hunto cu Trudy Hassell nan a cuminsa pone un estructura den e archivo.

Ainda e ta corda e prome dia cu el a pone pia den e edificio di ex-Rialto y el a realisa cuanto historia tabatin warda aki den. «Mi a haci mi mes e promesa e dia ey di lo traha cu alma y cuerpo pa lanta e archivo aki pa Aruba tambe por tin su historia verifica y autentico.

Mientras cu nos tabata trahando eyuan, varios investigador a haci estudionan den e archivonan, procedente di Aruba, Hulanda y Venezuela.

Na aña 1988 a tuma e decision, mirando e importancia di e archivo aki pa Aruba cu mester emplea mas persona pa traha den e diferente departamentonan di Archivo Nacional aki, manera den e seccion di restauracion y inventarisacion. Asina, danki na cooperacion di Ciso Martis, q.e.p.d. y e Gobierno di e tempo ey, a tuma un par di empleado den servicio, cu a yuda mas ainda pa duna contenido na e archivo.

Un docente specialisa den restauracion di archivo a bin for di Venezuela, y a entrena un par di e coleganan aki con pa restaura documentonan. Alabes a cuminsa cu e parti audio-visual, pasina e archivo audio-visual, cu naturalmente ta contene hopi informacion y historia di nos isla tambe keda conserva», segun splicacion di Trudy Hassell.

E tempo ey a purba di mantene e archivonan den un clima adecuado pa nan, pasina nan conservacion ta garantisa. Alabes a cuminsa papia tocante di digitalisacion di e archivonan

pa tin esakinan como back up, pa dia cu e archivonan pa un of otro motibo bay perdi tog, tin ainda e informacion disponibel. Na aña 1988 a tene e prome exposicion oficial di e Archivo (Historico) Nacional in oprichting, cual a tuma lugar na ex-Rialto y tabatin como tema: «Nos Status Aparte di 1986». Aki famia di nos Libertador Betico Croes, q.e.p.d., a trece e busto cu a wordo traha pe y a expone pa prome biaha pa publico. Alabes a duna un bista di e historia cu a conduci na nos Status Aparte cu documento y potretnan di Archivo Nacional.

Despues cu Trudy Hassell a wordo nombra como hefe di BID na aña 1990-1995, el a purba di engrandece Archivo Nacional, cu tabata forma parti di Bureau Interne Diensten como e archivonan statico, un tiki mas.

E tempo ey e archivonan di Gobierno di Aruba tabata cay bou di Bureau Interne Diensten, y tabata dividi den archivnan dinamico, archivonan semi-statico y archivonan statico (historico). Durante cu e tabata hefe di Bureau Interne Diensten a drenta informe cu decision a cay cu entrante augustus 1994 lo kita Archivo Nacional for di bou di Bureau Interne Diensten y ta bira un departamento riba su mes.

Despues di esaki Trudy Hassell a bay Hulanda y pasa over pa studia pa su actual posicion. Ora el a bin bek, el a mira un Archivo Nacional para riba su pia, un bunita sala di exposicion y organisando actividadnan pa informa y educa nos pueblo.

Pabien pa sigi hiba e vision di sr. Ciso Martis y di su persona padilanti.

Cu Archivo (Historico) Nacional cumpli hopi aña mas di existencia! Pabien!



Profit+
Complete business software
including **AFAS Online**

From
AWG 250,-
monthly



Financial - HRM - Payroll - CRM - Projects - Logistics

Telephone +297 583 8919 of +297 738 0002 caribbean.afas.com



E di 20 Conferencia Bienal di *Society for Caribbean Linguistics* (SCL) ta tuma lugá na Aruba di 5 pa 8 di augustus proximo. Esaki lo ta di dos biaha cu Aruba ta escenario di e conferencia cu SCL ta organisa cada dos aña. Na 1980, bou di vice-presidencia di Ramon Todd Dandará Mag. Ling., a tene e conferencia linguístico internacional di SCL tambe

Conferencia Linguístico Internacional na Aruba

Society for Caribbean Linguistics ta studia e idiomaan crioyo den Caribe

na nos isla.

Fundacion Lanta Papiamento (FLP), Biblioteca Nacional Aruba (BNA), Instituto Pedagógico Arubano (IPA) y Departamento di Cultura Aruba (DCA) ta anfitrión di e evento aki. Nan ta trahando duro pa realisa e proyecto grandi aki, hunto cu otro instancia local manera Departamento di Enseñansa, Universidad di Aruba, Grupo Corector di Papiamento y Fundacion Bon Nochi Drumí Dushi.

Dr. Mervyn C. Alleyne, orador principal
Durante e Conferencia Linguístico Internacional, Dr. Mervyn C. Alleyne lo ta un di e oradoman invita aki na Aruba. Tema di su disertación lo ta: *A Reformist Approach to the "Creole" Concept*.

Dr. Alleyne ta un académico cu un

trayectoria hopi amplio como linguista y alabes ta posee hopi experiencia como docente riba varios tema cu ta toca e materia aki. Pa ilustra esaki nos ta publica aki un fragmento di su certificación y tambe un bista di su carera como docente:

Na 1956 el a gradua na Universidad di West Indies cu título di Bachelor den idioma Frances y na aña 1959 el a obtene na Universidad di Strasbourg (Francia) su título di Doctor den Linguística. Na 1961 el a cuminsa su carera na Universidad di West Indies. Despues di esaki Dr. Alleyne a sigui un carera cu a hib'e na varios institución académico di renombre, entre otro na 1961 y 1962 como miembro investigado di e Departamento di Antropología di Yale University na Merca, na juni – augustus 1968 como profesor invita di e Departamento di

Ingles di Universidad di Puerto Rico, na 1991 como profesor invita di Linguística na Universidad di Stanford na Merca, na 1996 y 1997 como asesor principal di investigación di e programa CARIBE 2000 na Departamento di Ingles di Universidad di Puerto Rico. Awendia Dr. Alleyne ta ocupa e puesto di profesor di e departamento aki.

Ademas di e diferente funcionnan cu Dr. Alleyne a ocupa, nos por menciona tambe cu el a duna diferente materia cu idioma como tema, entre otro *Historia di Idioma Frances*, *Introducción di Filología di Lengua Romance*, *Linguística General*, *Bilingüismo y idioma di contacto*, *Idioma Temne di Sierra Leone*, *Dialectología Caribense* y *Sintaxis di Saramacano*. Pa mas información tocante e conferencia por subi e website *SCL Aruba 2014*.

Youth Fever Radio Box app ta disponibel awor pa celular y tablet Android

DESPUES di e demanda grandi di oyentenan di Youth Fever radio awo porfin cu hopi entusiasmo ta lansa e Radio Box app pa celular y tablet Android. E team di Youthfever.com cu

semper ta keda al dia cu tecnologia sa e importancia pa e usuarionan pa bin cu un app unda cu nan por scucha Youth Fever radio unda cu ta via nan celular of tablet sin tin mester



di ta tras di un pc mirando e bandwidth halto cu tin via celular.

E application aki ya caba ta disponibel riba www.youthfever.com, solamente tin cu subi riba e pagina click riba e logo di Google Play cu ta aparese riba e prome pagina, asina cu instala e Radio Box app ta habri esaki, na momento cu e pidi

pa "enter station code" ta jena youth fever y click ok, automaticamente e ta load tur e informacionnan di Youth Fever radio. Youth fever Radio Box ta ofrece pa scucha e tres canalnan cu ta Youth Fever Live, Youth Fever Dance y durante fin di aña Youth Fever Christmas radio, fuera di esey bo por keda up to date via facebook page.

Usuarionan cu ta desea di tin e app aki riba nan cellphone of tamblat y no por logra cu esaki, por mail tech support di Youth Fever na radio@youthfever.com pa asina haya un guia con pa hasi esaki via facebook page di YouthFever mes Youth Fever como e prome web radio aki na Aruba ta sigui inova y treciendo oyentenan mas serca.

Dreaming of a vacation?
WELCOME LAS VEGAS
9 DIA 8 ANOCHI
salida American Airlines
November 11 - regreso November 19

Incluyendo:
Circus Circus Hotel
KA Cirque de Soleil
Las Vegas Night Tour
Deluxe Hoover Dam Tour
Oportunidad pa bo hasi bo Xmas shopping

Cuminsando for di AWG.2.325.00 pa persona

Pa mas informacion yama oficina

ALDO
Travel Bureau Inc.
Tel: 582-1992

fun miles
Just within your reach!

Liderazgo di Bucuti den sostenibilidad den enfoke durante Simposio di Turismo Costal

BUCUTI & Tara Beach Resorts ta un lider pa decadanan caba riba e tereno di turismo sostenibel y recientemente no menos cu 150 experto a reuni na Grenada pa studia e fenomeno 'Bucuti'. Nan a bini hunto durante e Simposio Caribense pa Inovadonnan den Turismo Costal, cu ta e prome di su estilo pa e region aki. E simposio a sirbi como un plataforma pa lidernan di industria pa comparti nan pensamiento y vision pa modelonan inovativo di turismo costal, incluso locual nan

a logra te cu awor y cua oportunidad tin den futuro. Riba 40 experto a atende e tayernan y sesionnan, mustrandun adopcion amplio y continuo di modelonan di turismo sostenibel den e region Caribense.

Ewald Biemans, propietario di Bucuti & Tara Beach Resorts a guia e sesion yama apropiadamente 'Boutique Resorts: Innovations and Eco Certifications.' Como un lider den tanto innovacion como certificacion ecologico, e 'Team Berde' di Bucuti a pone diferente punto

di referencia logrando reconocimiento global, cu ta inclui mas cu 24 premio y certificacion ambiental, incluso e logro mas halto como e negoshi di biahe y turismo cu mas exito den sostenibilidad den Caribe, reconoci pa Green Globe Certification. Adicionalmente, e resort ta e prome den Caribe pa ta certifica oficialmente pa Green Globe y ISO 1401. Bucuti tambe ta den proceso pa logra e certificacion LEED, cu ta para pa Leadership in Energy and Environmental Design, cu unabez ta e caso, lo ta e di cuater certificacion berde cu e resort ta ricibi. Tur esaki ta uno mas den e lista largo di ehempel di con Bucuti ta hiba e miho practica.

"Ami semper tabata di e pensamiento cu locual ta bon pa medio ambiente tambe ta bon pa negoshi y simposionan manera esaki cu ta atende e topiconan aki no solamente ta beneficia esnan cu ta atende nan, pero tambe ta yuda crea solucion cu por tin impacto positivo tanto riba e industria turistico como medio ambiente den su totalidad," ta e comentario di Biemans. "E ta importante pa nos comparti nos storia y splica cu nos a ripara cu implementa practicanan di conservacion a



mehora e experiencia di nos huespednan y a duna nos un oportunidad pa hunga un papel vital den preserva e cultura y medio ambiente rico di Aruba." E Simposio Caribense pa Inovadonnan den Turismo Costal tabata sosteni tambe pa Bucuti & Tara Beach Resorts y trece hunto no unicamente e inovadonnan cu ta envolvi den diseño, financiamiento, construccion y operacion di desaroyonan di turismo costal cu ta sostenibel socialmente y medio ambientalmente, pero tambe esnan

cu tin intencion di adopta e practicanan aki. E esfuerso colaborativo aki tabata crea pa CREST, Stanford University y e Organizacion di Turismo Caribense na Grenada.



Find us on Facebook



COMPLETE LINE IN STOCK NGK DENSO MOTORCRAFT AC DELCO CHAMPION ALDOR SPARK PLUGS	MAC BATTERY SPECIAL  12 MONTH WARRANTY
 Valvoline MOTOR OILS NEW CONTAINER AUTO PARTS & MORE.....	 Kendall MOTOR OIL  NEW TAX SIGN
ABRO PRODUCTS IN STOCK	 LUCAS OIL PRODUCTS INC.  AIR / OIL FILTERS
 SIMPLY THE BEST / UNLIMITED PARTS MORGENSTER # 12 - B TEL: 583 1001	


MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141

Vitrina Final Impresionante y Conmovedor di Art Rules 5

E programa di arte di zomer a conclui cu un vitrina inmenso di talent na Cas di Cultura



E vitrina final di Art Rules Aruba 5 a produci un tremendo espectáculo di 4 ora, cu a cuminsa cu un exhibicion di fotografia y moda, y a culmina cu un produccion teatral riba un escala grandi, aumenta cu video y film, baile, musica y presentacionnan dramatico.

Mas di 200 hoben local a participa den Art Rules Aruba 5 su edicion di e aña aki, produci pa Ira & Ayra Kip di Fundacion di The Pancake Gallery.

Nan a experencia dos siman di tayer intensivo den 9 disciplina creativo cu DJ, Musica & Presentacion, Baile, Teatro, Arte Culinario, Moda, Media Creativo y un tayer special titula Art Rules Junior pa hobennan entre 9 pa 12 aña.

Art Rules Aruba a gradici mayor y e sponsornan di e sector priva, encabesa pa RBC Royal Bank, pa nan contribucionnan cu a permiti e muchanan pa habri nan halanan artistico y practica auto-expresion, creatividad y busca nan mesun voz.

Den un sala completamente yen na Cas di Cultura, e publico a gosa di un serie di film inteligente y sorprendentemente fresco, presentacionnan musical profundo cu a pone nan pensa, piesanan teatral hilarico, ademas di segmentonan di baile anima sin inhibicion, como tambe un intercambio en bibo cu Ayra y Ira Kip tocante nan aventura comparti como rumannan morocho, for di nan infancia te cu nan a bira adulto, y nan camindanan di carera individual y alaves bon conecta.

Un pabien ta bay n'e ekipo di maestro internacional y local, kendenan usando nan habilidadnan experto a desaroya e hobennan talentoso di Aruba, y a inspira nan pa subi pa un nivel impresionante di originalidad y profesionalismo.

Na nomber di Fundacion di Pancake Gallery, un danki ta bay na tur sponsor generoso cu a haci e dos simannan fantastico posibel, plantando y sembrando simiñanan artistico den e curasonnan di tur esnan cu a participa.


E rumannan morocho tambe a gradici nan mayornan, pa nan encurashamento solido y constante den transcurso di e añanan.



DEPORTE

JAMIES
RODRIGUEZ

80 miyón





Napa autoparts tin un gran surtido di Gearwrenches sae y metric. Napa handtools. Tambe hydraulic jacks den tur tipo, Boosterpacs pa start bo auto, batterchargers. Napa aircompressors y toolboxes di chiquito te grandi. Tambe Napa ta ofrece servicio di fabrica HYDRAULIC HOSES pa bo auto of equipo den diferente size.

Napa su stock di oilfilters, fuelfilter y airfilters tambe ta na bo ordo.

Napa Autoparts Santa Cruz 10 B

Orario : dialuna pa diabierna 08.00-1200—1.30pm-5.30pm
diasabra 08.00 - 4.00pm (non stop)
Tel 583 4363 Nos ta spera bo.

Cura Cabay 145 - Tel: 5845046 ** Shaba 1 - Tel: 5870621

Carlo Ancelotti:

“Mi tabata sa mi tin un team fuerte y cu nivel halto”

E tecnico italiano di Real Madrid, Carlo Ancelotti, a bisa cu desde cu el a yega na e club blanco e temporada pasa tabata sa cu “tin un team fuerte y cu un nivel halto”, loke a hib’e na conquista e di 10 Copa di Europa y Copa del Rey. Ancelotti a hasi e declaracion aki na Vanity Fair un par di dia prome cu su casamento dos siman pasa cu Mariann Barrena, un muher di negoshi y di mayornan spaño. “Misa loke a pasa e temporada pasa, pero ora mi a yega e hungadornan a comporta di forma hopi profesional y a lubida tur loke a pasa”, e entrenador a bisa den referencia na e tension biba pa e team cu su antecesor, e portugues Jose Mourinho. Den e raportahe cu lo wordo publica den e revista menciona, Ancelotti ta confesa cu tabata cu “tin un team hopi fuerte cu individualidad, pero cu hopi nivel”. Den su prome temporada como tecnico blanco nan a yam’e como esun cu a calma tur cos.

Riba con ta defini su casa, desde e prome dia Mariann no tabata tin duda di su cualidad. “Integro, cu balornan hopi firme. E ta e mihor persona cumi conoce”, Mariann a duna di conoce. Ora e pareha a conoce, e tabata ainda entrenador di Chelsea, pero ya tabata papiando cu PSG. Mariann tabata den un comemento y Ancelotti prome cu bandon a bisa: “Abo lo ta mi pareha un dia”. E no por a contene su smile y a contesta: “Claro, e siguiente biaha mi ta trece e renchi”, Mariann ta corda riba e encuentro di nan dos. Ancelotti a comenta algun di e clave di exito como pareha: “Entre nos tur cos a bay hopi liher paso e relacion entre nos yiu nan semper tabata hopi bon”. E italiano a papia riba tres cualidad di su muher; su beyeza, su inteligencia y su trankilidad. “Muhernan sa pone presion y esaki no ta pone presion. Ora yega cas mi kier ta trankilo y e ta lagami ta trankilo”. Ambos a confesa cu nan ta sinti na Madrid hopi comodo. “E ta un capital hopi amabel, unda no mester bisti elegante tur caminda y e hende nan ta cariñoso”, Ancelotti a comenta. Aunke a admiti cu e anonimidad tabata hopi mas facil na London.



Franz Beckenbauer no ta compronde decision di Philipp Lahm



SCOL di IDIOMA

Pos Chikito 75A – 5843768--6900169
scoldiidioma@yahoo.com

Scol di Idioma
lo ta cera den luna di Juli
Masha danki pa boso confiansa

DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30

Dragon specials



LU neo dual

simBlu music 4.0 Samsung s3 sim
Afl. 225.00 afl. 175.00

afl. 399.00

Also: Samsung S5, Samsung S4, Samsung 4 mini, S3 mini etc.....
Accessories for: HTC Sensation XL, One X, Rhyme and Samsung S2, S3 and Note.
Also: Iphone 5s, Iphone 5c, Samsung S3, Samsung Note 2, Blackberry Q10 and Q5, curve 9220, 9320 and more.

Hp Laptop 15.6" 4Gb 320Gb Harddisk: Afl. 900.00

Hp Ink cartridges, Universal laptop adapters etc..

ITunes gift cards \$ 10.00 and \$ 15.00 and Playstation Network cards.

Sales, repair and accessories for all blackberry models and other cellulars.

Unlock, reload, reset, upgrade, replace led, keypad, speaker etc.....

Dragon Cd & Electronics

Mainstreet San Nicolas tel. 584-3999 open 9.00 - 13.00 and 14.30 - 18.30 hrs.



E legendario di futbol aleman y presidente honorario di Bayern Munich, Franz Beckenbauer, tabata sorprendi pa e retiro di Philipp Lahm como capitan di e seleccion, anuncia despues di a yega bek for di Brasil cu e Copa di Mundo. "Di otro mi lo a compronde, pero no di Philipp Lahm", Beckenbauer a bisa. "Na 30 aña bo no ta gasta. E ta e hungador adecua pa hasi un bon distribucion di forza, no ta importa desde ki posicion e hunga". Lahm a anuncia esaki siman pasa, cinco dia despues di gana Mundial den e stadion di Maracana den e final contra Argentina, cu tabata gana den extra tempo pa un unico gol di Mario Gotze. E

hungador a splica cu su decision no por wordo cambia y tabata bastante tempo den su mente, mescos esun di sigui den e posicion di capitan di Bayern Munich. "Di a logra e campeonato di mundo no ta e rason pa retira", Beckenbauer a bisa, cu tabata campeon como capitan di e seleccion na 1974, y despues como seleccionador na 1990. "E seleccion mester di dje. E ta su lider. Lo ta hopi dificil sustitui esaki", e presidente honorario a duna di conoce.

Xavi Hernandez lo keda den Barcelona

E mediocampista Xavi Hernandez lo cuminsa train den e team e siguiente diahuebs y tin dicidi permanece den Barcelona al menos t'e final di e siguiente temporada. Esaki ta e resultado di e ultimo negociacion manteni cu e club di Barcelona, cu e tecnico Luis Enrique Martinez y e presidente Josep Maria Bartomeu, segun a wordo informa pa varios medionan di comunicacion di Barcelona. Xavi, 34 aña, y cu dos aña mas di contract tabata tin pensa di bandona e club. Asina esnan cerca di e hungador a informa. E exigencia di un par di oferta procedente di New York City y di un team di Qatar a influi den su decision. E dos temporada cu ta keda pa Xavi ta esun mas halto den su carrera deportivo y e oferta economico no ta yega pa cubri e monton aki, pa cual e compensacion pa likida e compromiso tabata complica. Xavi tin un total di 16 temporada den e prome team, esun cu mas wega a hunga den historia di e club y cu mas titulo tin tambe, ya cu ta acumula 22; 7 La Liga, 3 Champions League, 2 Copa del Rey, 2 Supercopa di Europa, 6 Supercopa di Spaña y 2 Mundial di Club. E mediocampista lo integra na e training diahuebs awo. E mesun dia ta bolbe bek tambe, Gerard Pique, Jordi Alba, Andres Iniesta, Sergio Busquets, Pedro Rodriguez, Ivan Rakitic y e camerunes Alex Song.



Dunga un biaha mas tecnico di Brasil su seleccion



E entrenador y campeon Mundial, Carlos Caetano Bledorn Verri "Dunga" tabata nombra e seleccionador nobo di Brasil, como sustitucion di Luiz Felipe Scolari. Dunga, cu a dirigi Brasil entre 2006 y 2010, tabata presenta den un rueda di prensa na e sede di Confederacion Brasileño di Futbol (CBF), na Rio de Janeiro. E tecnico di 50 aña a hunga tres Mundial cu Brasil (1990, 1994 y 1998) y tabata capitan di e seleccion aki. E presidente di CBF, Jose Maria Marin, a destaca cu Dunga tabata capitan di e seleccion cu a gana Mundial di 1994 y a bisa cu tabata tin "exito" como entrenador den su prome etapa como seleccionador.

"Tabata capitan di e seleccion, hungador di un seleccion campeon, a mostra capacidad pa dirigi e seleccion brasileño, tabata demonstra atraves di su number, no solamente palabra, e tin tur rekisito y capacidad pa dirigi e seleccion", Marin a bisa. Dunga a revela cu e lo no dirigi Brasil den e Weganan Olimpico di Rio de Janeiro di 2016, cu lo tin como tecnico e director tecnico di e categoria hubenil, Alexandre Gallo.



Alvaro Morata lo ta 50 dia afo

E delantero spaño Alvaro Morata lo descansa 50 dia como consecuencia di un lesion di segundo grado den su rudia banda robes, segun su team nobo, Juventus a duna di conoce.

Den e comunicado, e club ta splica cu e test di clinica realisa riba e hungador a revela cu a presenta un lesion di segundo grado na e ligament di su rudia banda robes.

Alvaro Morata, obliga na retira e dia prome durante training, a hasi test ayera mainta den e Clinica Fornaca de Sessant, na Turin. E delantero spaño

ta den recuperacion durante e siguiente 50 dia, segun e dokternan a pronostica.

Diasabra, Juventus, a presenta e hungador oficialmente como

su hungador nobo, cu a costanan 20 miyon di euro, y lo wordo paga den tres termino y cu un opcion di recompra pa Real Madrid t'e na un maximo di 30 miyon.



Presidente di Colombia a gradici James Rodriguez pa ta un ehempel pa Colombia

E confirmacion di e compra di e colombiano James Rodriguez cu Real Madrid a lanta diamars e orguyoso nacional di e pais, representa pa su fan number uno, e presidente Juan Manuel Santos, cu a gradici e hungador pa ta un ehempel pa e hoben nan. "¡Qué orgullo James Rodríguez! Gracias por ser ejemplo de que los jóvenes en Colombia con esfuerzo y dedicación pueden llegar muy lejos", palabra di Santos riba su cuenta di Twitter. E propio hungador, cu prome cu a wordo presenta oficialmente cu Real Madrid, tambe a expresa su felicidad riba su cuenta di Twitter. "El sueño ya es REAL. Feliz de hacer parte del mejor club del mundo. #HalaMadrid @realmadrid", esaki ta loke James a pone, cu tabata e maximo goleador di Mundial di Brasil, na unda a score e gol considera mas bunita y un di e mihor hungador di e torneo.

New York Yankees a logra haya Chase Headley

NEW York Yankees a compra Chase Headley den un cambio cu San Diego Padres. Yankees a manda den e transaccion aki e hungador di cuadra Yangervis Solarte y e pitcher di liga menor, Rafael de Paula pa San Diego den un intermcambio pa Headley, y cu lo por trece un impuslo den e alineacion di New York. Padres lo paga cerca di 1 miyon di e 4 miyon cu falta di e contract di 10 miyon di dollar di Headley e temporada aki, unda despues e lo bira den agente liber.

Headley tabata tin problema cu bat e temporada aki, cu un average di .229, 7 homerun y 32 RBI Tambe tabata tin problema e temporada pasa na tin cu lidia cu lesion, cu un average di .250 y 13 homerun, pero ta reconoci como un di e mihor tercera base defensivo di MLB, cu un average di fildeo di .965. E pelotero a conecta 31 homerun y 115 RBI den 2012, lider den dicho registro den torneo, loke a dun'e e Guante di Oro y Bate di Plata, y ta spera cu e por yuda e ofensiva di New York.





James Rodríguez:

"E ta hopi presion, pero mi ta prepara"

JAMES Rodríguez na ningun ocasion a cansa di ripiti cu ta un soño hunga den Real Madrid y cu ta cla pa e reto aki. Tambe a menciona cu Zidane tabata su idolo y cu ta bini pa traha y yuda su compañero nan gana titulo. Pa prome biaha sinta den e sala di prensa di Bernabeu pa atende cu e medionan di comunicacion y e palabra cu mas a ripiti tabata "sofía" y "e ta un gran club". E hungador colombiano a uza semper un tono humilde insistiendo varios biaha cu e ta bini "pa yuda y traha dia pa dia hunto cu mi compañero nan pa gana titulo". James a menciona tambe cu "mi no ta bini como titular, mi ta bini pa traha, tin un nivel haltu pa mester hunga mi ta cla". Y tambe a menciona "ta un placer hunga cu compañero cu sigur lo sífia hopi di nan, y mi ta spera cu nan tur tey paso asina mi por sífia hopi mas". James Rodríguez tabata compaña pa Emilio Butragueño, cu a duna di conoce na e hungador cu "bo ta un hungador extraordinario cu nos a deposita hopi confianza". E hungador ta consciente cu yega na Real Madrid ta "un gran presion, pero mi ta prepara mentalmente y físicamente pa tur esaki. Mi kier yuda e club conquista mas titulo y si cu gol mihor, pero tambe cu pase". James a confesa cu ta sigui Real Madrid desde cu "mi tabata tin 10, 11 aña y cu nunca mi a pensa na bay otro team. Ora mi a haya sa e interes di e club aki mi a hasi tur lo posibel pa mi soño wordo cumpli cumi tabata tin desde mucha y cu porfin por cumpli. Mi lo no lubida e dia aki nunca", e colombiano a

bisa, pa aña cu "mi no ta kere cu e gol cumi a score contra Uruguay tabata esun decisivo pa pone un oferta, pasonan ta sigui mi persona desde hopi tempo, pero sigur e gol ey tabata un plus".

E delantero no a sconde cu "Zidane ta e hungador cu mas wowo mi a buta riba dje" y ora tabata puntra pa su posicion den veld, el a pone cla "mi por hunga den centro, banda drechi y banda robes, pero esun cu ta dicidi ta Ancelotti y lo hunga unda e ponemi" y pa aña cu "mi no a papia ni cu e mister ainda". James lo hasi e prome cu 1 di augustus, e dia cu e mester presenta na Valdebebas pa cuminsa e training cu su team nobo. James Rodríguez tabata cuestiona tambe pa su prijs, 80 miyon di euro, cu ta hasi e den e tercer compra mas caro den historia di Real Madrid. "Ami no ta papia di number, solamente mi kier traha y yuda e club pa sigui hasi historia y ohala por duna alegría na e publico", e colombiano a bisa cu no kier a papia riba e futuro di Falcao cu a zona pa Madrid. "Esey ta cosnan di directiva pero e hungadornan grandi manera su persona por hunga aki perfectamente", el a bisa.



46 mil fanático a du bini na James Rod

"MI ta spera di por duna hopi alegría y gana hopi titulo aki. Hala Madrid!", e futbolista a bisa prome cu el a ricibi su camiseta, cu e number 10. Na unda tabata tey presente e embahador di Colombia. Rond di 46 mil fanático di Real Madrid tabata presente, mas di 15 mil di nan tabata colombiano pa duna James Rodriguez un presentacion impresionante den e palco di honor di Santiago Bernabeu. Uniform blanco y geel tabata loke por a wak den e stadion. Den e zona di prensa no a keda ni un solo stoel liber. Na e presentacion a acudi Florentino Perez, presidente di e club y su hunta directiva. Manera ta tradicional a cuminsa cu un video cu ta pasa e mihor momento di e futbolista desde mucha t'e den su

etapa den Monaco, ultimo team prome cu el a yega Real Madrid. "Mi ta spera di por duna hopi alegría y gana hopi titulo aki. Hala Madrid!", e futbolista a bisa. Despues a baha riba veld, ya bisti di blanco, a para pa saca potret, y cuminsa hunga cu e bala y finalmente riba peticion di e publico, a duna e escudo un sunchi. Den su discurso di bon bini, Florentino Perez a bisa: "E temporada pasa nos a gana La Decima y Copa del Rey. Tabata un tremendo temporada, pero awo solamente nos ta pensa na bira mas fuerte y con pa drecha e team mas ainda. Den Madrid titulo ta punto di salida. E grandi nan manera nos stima Alfredo Di Stefano a crea un leyenda. Semper nos kier mas titulo y mas victoria. Esey nos a sifia di

dje, di e homber cu a cambia e historia di Madrid y di futbol. A yega desde Colombia na 1953 y esey ta algo cu nos lo no lubida. Pesey mi ta contento di su ricibimento pa parti di e madridista nan, hopi di nan colombiano". "Ta yega un di e hombernan cu pa su futbol di calidad a lidera un seleccion colombiano. Tabata un sensacion den Mundial di Brasil. Tabata un di e grandi nan di e torneo, a logra e Sapato di Oro y a score e mihor gol di e campeonato", el a sigui bisa.

"James, nunca a sconde su pasion pa nos camiseta y pa nos club. Sigur bo lo corda e prome biaha cubo a bishita Bernabeu. Awo bo soño ta cumpli. Bo famia sa loke a costa pabo yega aki", el a bisa na e

futbolista y a conclui: "Colombia ta soña cubo". Fernando Carrillo, embahador di Colombia na Spaña, tambe a papia pa manda un mensahe di e presidente di e pais, Juan Manuel Santos: "Como colombiano ta yenami di emocion e yegada di James na Madrid. Nos number 10 ta drenta den e elite di futbol mundial via e porta grandi. Despues di Mundial, awo bo ta duna nos otro alegría mas. Na Colombia nos tin un cariño inmenso pa Real Madrid, parti di e scolnan di e club pero tambe pa e simiya cu Alfredo di Stefano a laga atras". Despues di pasa den un clinica di Madrid pa pasa e reconocimiento medico, e hungador a firma un contract t'e cu 2020 na rason di 5 milyon euro anual, segun e tabla di salario diseña pa presidente

Florentino Perez na 2009. Na Madrid lo ricibi 40% di e gana pa derecho di imagen di e hungador, cu ta keda cu e mesun cantidad mientras e 20% ta resta pa representante, Jorge Mendes. A pasa dos dia cu tabata spe anuncio di e hungador. E ex diocampista di Monaco a yega Madrid diadomingo ultimo, despues di un breve viahe pa Portugal unda a reuni cu e agente pa duna e ultimo detaye di su contract cu e club di Madrid.

Desde dialuna tur wowo ta bira Real Madrid pa warda kiko e mihor momento e directiva di Real Madrid cu Florentino Perez na cabez a hasi oficial loke ya no tabata secreto; James lo bisti di blanco. Esaki tabata asina hopi menci-



una bon riquez

Real cu e uniform di Real Madrid cu e '10' di James ya tabata na benta den varios tienda di articulo deportivo y souvenirs di e centro di ciudad. E colombiano a causa sensacion di adomingo, ora ya den su caminda pa Lisboa a hasi un locura na e aeropuerto di Madrid. Relativamente desconoci t'e cu juni, a gana e publico di Madrid danki na su logro den Mundial di Brasil. Ganador di Sapato di Oro cu seis gol anota, tabata e unico hungador cu a score den tur wega cu a participa y MVP den tres ocasion. Ademá, e prome gol cu a score contra Uruguay tabata vota como e mihor di Mundial den un encuesta realisa riba e website di FIFA.

E mediocampista ta ademá di

dos hungador despues di e brasileño Ronaldo cu a yega Real Madrid despues di gana e Sapato di Oro di Mundial y ta di cinco den historia cu ta cambia di club despues di bira den e maximo goleador di e torneo. Di acuerdo cu Ministerio di Relacion Exterior di Colombia, 4.7 milyon di colombiano ta biba afo di e pais, e 23.1% ta na Spaña. Segun e cifra oficial di Spaña, un total di 232.551 colombiano ta biba legalmente na e pais, di cinco comunidad extranhero mas grandi tras di Romania, Marroko, Reino Uni y Ecuador.



Hunto cu Ranye Drebes preparando p'e campeonato mundial di Cadet Hakeem Lowe di Brazil Taekwondo a train na Düsseldorf, Alemania



HAKEEM Lowe di Brazil Taekwondo Stichting su meta grandi tabata pa participa n'e campeonato mundial di Cadet, pero esaki no a bira un realidad dor di circunstancianan fuera di nos mannan di Brazil Taekwondo Stichting. Esaki no a kita cu tur e trainingnan cu tabatin planea p'e team di Aruba a para.

Henk Meijer a regla tur trainingnan hunto cu e atletanan di Hulanda y Alemania, kendenan ta bayendo n'e campeonato

mundial na Azerbaijan.

Diamars mainta Hakeem Lowe a train serca Henk Meijer na Groningen te cu 12'or di merdia na unda cu Henk Meijer a concentra riba Plyometric Drills pa despues come algo den Centrum di Groningen p'asina subi auto di Henk Meijer pa core bay te na Düsseldorf.

Na Düsseldorf, Hakeem Lowe a train serca di e coach di Alemania, Dimitros Lautenschlager, kende ta preparando su atleta Randy Drebes (-33kilo) p'e



campeonato mundial di Cadet na Azerbaijan cu ta tumando lugar e dianan 24-27 di juli na Azerbaijan.

Hakeem Lowe a wordo ricibi cu mannan habri dor di e coach di Alemania, Dimitros Lautenschlager unda cu Hakeem Lowe

a haya e oportunidad di train hunto cu su team.

Hakeem Lowe a haya un trainingspak for di e beheerder di Sport Werk Health and Fitness. Pa nos sorpresa nos a bin topa cu Sabina di e seleccion di Argentina, kende nos a conoce

n'e Open di Bolivia cu tambe a biahá pa Düsseldorf p'asina train hunto cu Madeline Folgmann (-57 kilo) di Alemania, kende ta preparando su mes p'e Weganan Olimpico di hubentud cu ta bay tuma lugar na luna di augustus na China.

Hobennan a disfruta di un dia yena di wega, color y sabor “Tropical Explosion” a presenta tres sabor nobo

En bes di cuater color, awor Refresco Tropical tin shete diferente color!

UN publico grandi a atende na e “Tropical Explosion” cu a tuma luga diasabra ultimo na YMCA na San Nicolas. Tropical Bottling Company a probecha pa introduci tres sabor nobo, Green apple, Banana y Honey Lemon. Invitadonan a haya e sabornan nobo pa purba, mescos tambe ta algun chips di marca Wise.

Durante e evento a organisa varios competencia, manera Honey Lemon Spoon, Banana Squeeze, Pineapple Hug, Apple Dunk y Grape Balloon. Merdia Brandweer a presenta pa haci un demostracion. Tambe tabatin Cherry dunk tank caminda cara nan famoso manera Larissa Bermudes di Cool fm, Zuriah Fleming, Reina di Carnaval, Derwin Kemp di Youth Xtreme, David Appie Abdul, Nutzbeatz, Rocco Flava, Ronwayne Kock di Delicious y DJ Alah di Blue FM a sinta aden y e muchanan presente a disfruta y a tira nan den e awa color cora. Tambe tabatin un competencia di e “Bubble run” caminda personahenan di radio a participa, manera tabata Cool FM, Blue FM y Caliente FM.

E dia tabata yena cu actividad y a inclui un “Dance competition” cu tabatin como premio un “Monster tablet” cortesía di Crown Aruba. Atardi a saca ganadonan di tur e wega nan. YMCA Warriors un grupo di hoben cu ta miembro di YMCA a gana e competencia di e weganan cu un total di 300 punto. Nan a gana 500 florin cash y nan a haya nan caha di refresco Tropical di e shete sabor nan cual ta color cora, geel, grape, oraño, green apple, banana y honey lemon. Riba dje a regala nan Wise chips. Na di dos luga tabatin Lime greens cu a gana nan caha di e shete sabornan y nan paki chips y di tres lugar tabata Red Cherry Monkeys un grupo di solamente hoben femenino.

Na final tabatin presentacion di Le Groove, cu sigur a sa di entretene tur presente. E tres sabornan nobo di Refresco Tropical ta riba mercado caba. Bo ta haya nan den tur supermercado of tienda rond di Aruba. Sigui disfruta di Refresco Tropical, e unico refresco di local, produci y emboteya na Aruba.



Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

E autoridad di Gobernador ... y esun di Gobierno di Reino Hulandes

YA pa mas di dos siman caba cu for di diferente angulonan di nos comunidad un o mas "expertonan" o "staatsrechtsgelerden" riba e aspecto estatal referente e funcion y autoridad di Gobernador a resalta. Ningun momento ta mi intencion di cuestiona dicho argumentonan pero mas bien mi ta sinti como ciudadano di e pais aki orgulloso cu algun di e personanan a tuma e iniciativa di trese nan pensamiento y conocimiento respecto e tema tan controversial aki. Cu esakinan ta keda tema pa contradeci, discuti y debati riba esakinan nos no mester tin ningun duda.

Mi mes un persona como hurista ta sinti e deber di trese "mi opinion y argumentonan" riba e tema tan controversial aki dilanti. Na vispera di termina mi studio di Ley na e Facultad di derecho di Universidad di Aruba, mi escogencia pa mi tesis final (eindschrijving) a cay riba e tema aki, esta "de bevoegdheid van de Gouverneur" (e autoridad di Gobernador).

Un tema (onderwerp) cu porcierto a ponemi den un "desierto" di informacion y casi mi a hala atras pa bay escohe un otro tema cu lo tawata mas accesibel na informacion, literaturanan y hurisprudencia, por ehemplo derecho penal (Strafrecht). Pero toch despues di analiza e tema aki y debi na e hecho cu casi pa haya informacion y literaturanan pa studia e tema di e autoridad di Gobernador ta escaso. mi a disidi toch di hasi mi escogencia pa cu e tema aki pa asina duna un poko di mi contribucion na nos comunidad pa cu na buskamento di mas informacion riba e "autoridad di Gobernador".

No ta mi intencion di bay en extenso pasobra sigur lo mi mester pidi paginasnan di nos medionan di comunicacion cual no ta e intencion di esaki.

E funcion di Gobernador ta consisti di dos tarea (twee taken). Esun promer ta unda cu e ta representante di Rey Willem Alexander den su calidad como hefe di pais Aruba, e asina yama "Organo di Pais Aruba" (Landsorgaan). E funcion aki ta wordo cualifica como un funcion ornamental of simbolico na unda cu en no por wordo responsabilisa pa su actonan of mas bien pa e firma cu e ta pone riba desicionan di Gobierno y Parlamento, por ehempel Landsbesluiten of Landsverordeningen (decretonan gubernamental y leynan aproba pa parlamento). Ta e minister cu tambe ta pone su firma riba dicho decretonan ta esun cu ta carga e responsabilidad. Aki mi kier accentua y para tras di e argumento di professor van Rijn na unda cu e la skirbi cu "Gouverneur moet tekenen bij het kruisje". pasobra na final di cuenta Gobernador no por wordo poni responsabel pa su firma manera ya mi a accentua caba.

E di dos funcion ta na unda cu e ta un Organo di Gobierno di Reino Hulandes (Koninkrijksorgaan).

Mi ta tribi di accentua y argumenta cu aki "hasta nos no por yame Gobernador" pasobra den e calidad o

funcion aki en no ta un representante di nos Rey pero mas bien e ta un Organo di gobierno di Reino Hulandes. Un ehempel cla di esaki ta den e ley cu ta regarda "extradiccion" di nos ciudadanonan. E asina yama "uitleveringswet" na unda cu E tin cu firma pa cu e extradicion di nos ciudadanonan. E ta hasi esaki den nomber di e minister di Husticia di Gobierno di Reino Hulandes y e ultimo aki ta esun cu ta para responsabel pa cu e extradicion of decision aki. Akinan su funcion "por" wordo cataloga como "een Hoge ambtenaar" den funcion di Gobierno di Reino Hulandes. Mi kier a accentua cu esaki ta mi opinion cu mi por a conclui for di mi estudio y a base di literaturanan y hurisprudencianan. Tambe mi mester trese mi remarca padilanti ora cu den un entrevista recientemente hasi na minister di asuntonan di Reino, sr. Plastkerk, ora su persona no a menciona of dirigi su mes na e funcion "Gobernador", pero a yame na su nomber, esta dhr. Refunjol. Aki no ta trata di un falta di respet, pero simplemente ta un hecho (mi opinion personal) cu ta trata den su calidad di Organo di Reino Hulandes y aki e no ta actuando como Gobernador!

Biniendo bek si Gobernador ta autorisa di nenga di firma un decision di Gobierno... como Gobernador (Organo di pais Aruba) e mester firma... pero ora e pone su pen abao y keda sin firma e ta kita su petchi di Gobernador y bisti esun di Organo di Gobierno di Reino Hulandes. Den e funcion aki e ta wordo cataloga of por ser mira como un "waakhond" y tin di vigila si un desishon di Gobierno y parlamento di Aruba por trese e asina yama "asuntonan cu ta regarda Reino Hulandes" (Koninkrijksaangelegenheden), cu ta stipula den e artikulonan 3 y 43 di nos Statuto di Reino Hulandes, articulo 21 di e reglamento di Gobernador of tratadonan internacional, den peligro.

Esaki por sosode na dos manera... sea E ta haya un instruccion di Gobierno di Reino Hulandes pa no firma OF E ta hasi esaki riba propio iniciativa si e ta sinti o kere cu dicho decision ta enpugna cu un Koninkrijksaangelegenheid di e artikulonan ya menciona.

E reglamento di Gobernador ta stipula cu manera e hasi esaki e mester dibiha (terstond) pone esaki den man di Gobierno di Reino Hulandes pa sea, despues di a haya conseho di Raad van State, ta schorse, ta destrui e of ta mande bek pa alsnog E firma dicho decision. Si en dado caso e decision ta pa firme toch... E lo hasi esaki como Gobernador e ora y no como Organo di Reino Hulandes! Si en caso Gobierno di Reino Hulandes ta persisti pa no firma... anto e ora e lo keda fungi como representante de Gobierno di Reino Hulandes y no como Gobernador.

No ta mi intencion di bay den un discusion politico pero mirando lo susedido di e ultimo dlanan mi ta haya cu como Organo di Reino Hulandes, E mester a siquiera cuestiona Gobierno di Reino Hulandes riba

e procedura cu esakinan a encamina pa yega na un KB.... Mirando cu e procedura cu a wordo encamina a bay enpugna y contra relganan stipula den nos Statuto di Reino Hulandes, cual porcierto ta di un rango mas halto cu hasta e propio Constitucion Hulandes (Grondwet) mes. Locual mi ta referi ta cu Rijksministerraad no a encamina e procedura di manda e decision pa Raad van State pa conseho y tambe a viola y nenga e derecho di "intern appel" di nos Gevolmachtigde Minister durante tratamiento di e tema aki den Rijksministerraad. Akinan claramente nan a viola locual nos Statuto di Reino ta stipula!

Den e controversia cu ta tumando lugar actualmente... e argumento cu Rijksministerraad por ta usando ta cu kisas den nan concepto e presupuesto 2014 cu Gobernador ta nenga di firma ta basa riba e pensamiento cu esaki lo ta enpugna cu e "deugdelijkheid van bestuur" cu ta stipula den articulo 43 di Statuto di Reino Hulandes.

Mi opinion pa cu esaki no por ta "in casu" pasobra esaki ta netamente un asunto autonomo y interno cu ta regarda pais Aruba y e no ta un asunto cu ta regarda Reino Hulandes. Den mi concepto e terminologia di "deugdelijkheid van bestuur" ta bay mucho mas leeuw y por ehempel ta encera ora ta trata di hechonan castigabel manera "wanbestuur, corrupcion, fraude" cu Gobernanten ta hasi nan mes culpabel na e hechonan aki. Un ehempel di tal hecho ta manera a sosode anjanan anterior na nos hermana isla Sint Maarten.

Pami e hecho di tin un deficit den bo presupuesto hamas por wordo cataloga como tal y principalmente ora cu ehersicionan responsabel a wordo hasi den e presupuesto 2014 y hasta ora ratingsnan internacional ta cataloga esakinan como un hecho positivo pa futuro di e presupuestonan di nos pais Aruba.

Cu e acto aki mi ta considera cu Gobierno di Reino Hulandes a secuestra nos parlamento, mirando cu parlamento como e organo mas alto segun nos constitucion a aproba dicho presupuesto cu un mayoria di 13 voto! Terminando mi kier a accentua cu e tema y e hechonan cu ta tumando lugar aki sigur lo bay den historia di nos Pais Aruba y mi ta haya cu aki no ta trata di un color politico.... aki ta Aruba ta den conflicto constitucional cu Hulanda y aki nos mas cu nunca mester uni pa lucha pa asina mantene nos autonomia cu nos lidernan di pasado en feliz memoria a lucha ya logra pa nos y nos futuro generacionnan nos dilanti.

mr. Alexander F. Tromp

AWE Mainta
e corant di Toko
Tel: 583-1400 Fax: 583-1444

Edificio na Pastoor Hendrikstraat na San Nicolaas formando peligro



UN edificio cu antes tabata un lodge awor ta birando mas bien un peligro pa e area di San Nicolaas. Varios biaha bisifianan a keha riba e edificio aki. E siman aki un biaha mas e dia a habri cu problema. Bisifianan a yama autoridad ora cu nan a scucha manera un zonido fuerte. Na yegada a mira cu e edificio deplorabel a cuminsa cay for di otro. Aunke e tin un cura rond di dje tog ta bon pa dune atencion. Polisnan y bomberonan a analisa henter e area. Ta haci un suplica pa haci algo cu e edificio aki. Ainda ta na tempo pa deshaci di dje prome cu algo mas serio sosode.



Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis Tipline:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug: -

Pariba di Brug: -

Dokter na warda

Pabou di Brug:

Dr. -

Pariba di Brug:

Dr. Britt-Croes

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietstraat #3

Oranjestad, Aruba

Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:

CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna


Director:

Victor "Toko" Winklaar
Victor R. Winklaar

Haya bo corant tur dia den bo inbox

Registra Awo na

noticia@awemainta.com



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Laga tur locual ta sperami ta bunita.
Laga tur cu mi encontra na caminda ta bunita.
Laga tur locual cu ta rondonami ta bunita.
Laga tur locual mi ta laga 'tras, keda bunita y laga esakinan
termina den tur bunita".
Cado Wever

Cu inmenso dolor y tristeza na nos curazon nos ta anuncia
fayecimento di:



Clara Filé-Orman
*17-04-1938 - †21-07-2014

Acto di Entiero lo wordo anuncia despues

AUTO BIEU

Nos ta piki tur sorto di auto bieu,
Completamente GRATIS
Tambe nos ta piki airco, bateria,
Stoof, wasmachine, fridge, etc.
Completamente GRATIS.
Jama nos na tel: 561-4297 / 592-5766

Resultado di Loteria



2:30 7189-8328-0998
9:00 4035-4896-9165



2:30 7945
9:00 3037



2:30 2947 Aries
9:00 0369 Leo



04-25-22-05-14



04-14-11-24

MEGABALL 06

DIARIO SUPER FOUR
1740 3634
0689
4100



Celebracion Solemne na honor di Santa Filomena V.M Iglesia Santa Filomena na Paradera



REV. Pastoor Toti Fuentebella di Parokia di Santa Filomena ta
invita e pueblo general en particular tur parokiano di Paradera
pa participa den e nobena y fiesta di parokia. E Fiesta di Santa
Filomena lo inicia riba diadomingo dia 27 di Juli 2014.

Pa 10.00 a.m lo tin e tradicional dia di Famia durante cual lo tin
koffie morgen y vlooiemarkt entre otro benta di matanan, bolo
y cuminda crioyo. Esaki lo tuma luga den Centro Caiquetio na
Paradera. Ta conta cu presencia di tur parokiano y pueblo di
Aruba en general pa bin celebra hunto cu nos e apertura di e Fiesta
di Santa Filomena 2014. E dia aki lo termina pa
1.30 p.m.

Cu cordial saludos y hopi bendicion Rev. Pastoor Toti Fuentebella,
Pastoor di Parokia Santa Filomena na Paradera.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu honda pena, pero conforme cu boluntad di Dios
ta anuncia fayecimento di:



Eloy Enrique Lopez
cariñosamente yama "Loy"
*08-10-1944 †12-07-2014

Acto di entierio lo wordo anuncia despues.

Colombia a celebra nan 204 aña di Independencia





ATIA conhuntamente cu CMB y SETAR ta presenta e "Women in Leadership Conference 2014"

Dia 22 di augustus proximo, ATIA ta presenta e "Women in Leadership Conference 2014" titula "Breaking the Glass Ceiling" na Renaissance Convention Center cu CMB y SETAR como patrosinadornan principal



Michelle Ryan, Sra. Anita de Groot y e orador principal Sra. Carmen Breeveld.

E prome orador Sr. Francio Guadeloupe, a nace na Aruba y no ta un persona desconoci. Francio tin un titulo di PHD den Antropologia for di e Universidad di Amsterdam y a yega di participa den varios debate encuanto desigualdad di genero, etnicidad, religion y identidad. Actualmente Francio ta "Dean of Academics" na e Universidad di St. Maarten.

E di dos orador na e conferencia ta Sra. Michelle Ryan. Naci na Australia, Michelle ta profesora di Psicologia Social y Organisatorio na e Universidad di Exeter na Inglatera. Su investigacion pionero encuanto e fenomeno di "The Glass Cliff" a wordo clasifica pa e *Times Higher Education Supplement* como e Proyecto di Investigacion di Aña na 2005 y a keda nombra pa *New York Times* como un di e "Best 100 ideas" cu a influencia 2008. Ademá, Michelle ta co-editor di e buki "The Glass Ceiling in the 21st Century: Understanding the Barriers to Gender Equality". Actualmente Michelle ta realisando un "British Academy Mid-Career Fellowship" pa examina e rol di identidad den e percepcionan di equilibrio entre trabou y bida priva.

ATIA ta contento di participa cu e di tres "Women in Leadership Conference" lo ta uno sumamente interesante y educativo. E conferencianan anterior a concentra riba con pa inspira y tuma accion. E conferencia e aña aki lo concentra riba discuti e bareranan cu hende muher ta enfrenta den nan carera profesional. E discusion principal lo ta con hendenan muher por kibra e asina yama "Glass Ceiling" y amplia nan horizonte pa por logra nan obhetivonan como lider.

E conferencia ta conta cu cuater orador internacional cu diferente formacion y conocimiento. E cuater oradornan invita ta Sr. Francio Guadeloupe, Sra.



Den e parti di merdia despues di lunch, e conferencia lo habri cu Sra. Anita de Groot. Naci na Hulanda, Anita ta fundador y CEO di AIM Consulting Group. Anita ta traha na nivel di ehecutivo como coach, facilitador y consehero, concentrando riba crecimiento personal como tambe riba comunicacion den diferente aspecto di negoshi. Anita ta cofundador y co-propetario di "Women's Professional Group" cu ta apoya organisacionnan den usa diversidad pa realisa nan obhetivonan y tambe ta apoya hendenan muher den enfoca riba nan metanan den nan carera profesional y ta conecta empresarionan femenino cu inversionistanan femenino pa realisa nan ambicionnan.

E conferencia lo wordo sera



door di e orador principal Sra. Carmen Breeveld. Naci na Suriname, Carmen ta doño y directora di Team Care, specialisa den Recurso Humano. Carmen a ocupa varios cargo como consehero den directiva di entre otro e comite politico "Federation of Business Women", e directiva general di VNO-NCW, e organisacion di dunadornan di trabou mas grandi na Hulanda, e directiva di e "Leadership Corps Amsterdam-Amstelland" y a duna conseho na Minister di Economia y Asuntonan Social encuanto e spirito empresarial y mercado laboral nobo. Na 2013 Carmen a wordo distingui

como e "European Black Business Woman den 2013". Carmen ta e fundador principal di e "Women's Conference Europe" y presidente di e "Women's Conference Foundation". Carmen tambe ta e iniciador di e programa "Women on

Board" caminda ta entrena hendenan muher pa puestonan den posicion halto di management.

ATIA conhuntamente cu CMB y SETAR ta invita Aruba completo pa asisti y participa na e "Women in Leadership Conference 2014" cu lo tuma lugar dia 22 di augustus proximo na Renaissance Convention Center di 8.00 am pa 3.30 pm. Ticketnan ta obtenibel solamente na ATIA, Pedro Gallegostraat 6. Pa compra di ticket por tuma contacto cu ATIA na 582-7593 of por mail nos na info@atiaruba.org. Pa mas informacion di e conferencia y pa reserva bo ticket(nan) di antemano bishita nos website www.womenaruba.com. No perde!

